



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Pal. 25.3.3.9 (I)



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Pal. 25.3.3.9 (I)





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Pal. 25.3.3.9 (I)




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Pal. 25.3.3.9 (I)



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Pal. 25.3.3.9 (I)

25.3.3.9




Matthaeus Bossus Veronensis
Can. Reg. Long.

MATTHAEVS BOSSVS VERONEN/
SIS CANONICVS REGVLARIS SVO
IN DOMINO PATRI ET CONCANO
NICO MERITO PERCOLENDO SE
VERINO CALCHO SALVTEM.

MEcum mi Seuerine saepe percogitans
quid in hominum uita: quæ tam uaria
quidem agitur actaq; est semper: q̃ ua
rius / ac immensus eorum extitit numerus: ad be
ate / iucundeq; uiuendum inueniretur aptissimū:
et in quo tam in prosperis: q̃ in aduersis plus no
bis afferretur præsidii / atq; solatii: et si multa a
Maioribus nostris inuēta sunt / ac disputata sub
tiliter: si non forte ipse decipior: quod nullo mo
do mihi persuadeo: id esse arbitror amiciciam in
ter se / coniunctionemq; bonorum: quæ sancta /
et admirabilis eos ipsos deo imprimis deuinciat /
atq; consociet: efficiatq; præter cætera adiumen /
ta / et officiosa cōmoda uitæ: ut quicquid in om
nibus p̃bitatis / atq; uirtutis enitescit: singuli uē
dicent sibi communicando / atq; fruendo. Quo
præclaro / et splendidissimo bono (et parce ne
dixerim) prope diuino nostra hæc: quam tene /
mus: institutio / et canonica uiuendi forma bene

Notitiatu an. ac. Reg. Long.



ficio amplissimo dei sic quidem abundat : ut nū-
mero scilicet / contubernio / usuq; nunq̃ eorum
careamus: quos una æque uirtus / exercitatioq;
delectat / atq; conciliat: et quorum plurimus pro-
fecto animus / plurima mens / ardorq; intendit /
et anhelat semper in deum : et in quibus omnia
sincera / omnia fida / omnia amabilia habētur / et
salutaria: quippe quoniam eorum ipsorum uni /
uersa non tam in uitæ commodis / aut in uolup-
tate / lenocinio ue mercedis: q̃ in puritate / splen-
doreq; uirtutis omnino sunt posita . Ad quorū
egregiam laudem / sanctumq; præconium illud
uerissime pertinet : quod noster Citharedus / et
Regum prophetarūq; sanctissimus lato illo car-
mine cecinit Ecce q̃ bonum / et q̃ iucundū ha-
bitare fratres in unum. Et quidem bonum / pla-
neq; et iucundum: quando ita cum bonitate cō-
iuncta est uita iucunda: ut neq; a bonitate iucū-
ditas / neq; a iucunditate bonitas queat separari.
Sed inter ceteros: qui uel adhuc uiuunt: uel qui
a nobis profecti cœlestem fœlicitatem adepti pu-
tantur: tu unus fuisti / atq; præcipuus hacrenus
mihi: quo una cum Germano meo Ioāne philip-
po dulcissimo frui diutissime Seuerine licuerit:
et in te gustare eam omnem suauitatem beatam:

quam diximus: Ad quem et per absentiam scri-
bere saepe / et tuas uicissim accipere consueveri /
mus. Quo officioso honestoque munere nihil in-
tercessit unquam utriusque iucundius. Cuius rei tam su-
auissimae uisu / ac recordatione excitior saepe: dul-
ci hoc meo ocio maxime: quo lege uacantiū Ve-
ronae perfruens / animum ad intermissa parumper
studia retuli. Vbi loci tuo quum uenerabili / su-
auisque aspectu caream: et uerear diutius fortasse
me etiam cariturum: putauit tantisper / quasi re-
sarturus audivitatem interceptae praesentiae / et con-
suetudinis ueteris nostrae quae elaboravi hoc tem-
pore ad te Seuerine conscribere / atque transmittere
Disputationes scilicet octo de uero Sapientiae
cultu: aut aliter de instituendo sapientia animo
inter nos concanonicos laxandi animi causa su-
sceptas / et per solemnes dies octo / et saluatoris
dei Matri sacros: ut uidebis: celebratas. Quas pa-
lato non alio: quam cetera hactenus nostra degusta-
bit amica et sancta charitas tua: si non insipidio-
res iis: quae antea spiritu acriore conflauimus / ac
quae excudimus: uidebuntur tibi fortasse. Saepe quid-
em isenescente corpore sensus hebescit et animus:
ipsaque ad canicem cum barba deuenit oratio. Quo
de uicio scite quidem Persius eruditissimus inquit.

Tūc cū ad caniciē / et nostrū istrad uiuere triste
Apexi / et nucibus facimus quæcunq; relictis.
Quo ī loco miseret reminisci quot fama īsignes
et hoc sæculo nostro mirabiles : ne prisca reuol-
uam : cum ueternosis corporis sensibus uires ani-
mī perdere ita acerbitate naturæ nobilissimus :
et superbissimus hominis spīritus īfecto iacet cor-
pori semper obstrictus. Qui ut tardis / et difficil-
limis rudimentis coalescit ad uigorem / et sensū :
ita a medio uitæ cum abscesserit : remeare dete-
rius properat ad infantiam / et mortem / per par-
tes fatiscens ante q̄ totus. etiā si quosdam sic fœ-
liciter est enixa natura : quāq; raros illos : ut æta-
tem / grandia ueluti uina / bene ferentes : ad ue-
getiora semper excrescant : quā ego sortem illis
inuideo. Tu uero tamen ppositū ne deferamus :
cum priora nostra illa cum postremis istis contra-
leris : liberum de utrisq; / plenūq; habeto / et fer-
ro iudiciū. Qua sane in re ego nō fuerim (quod
debet nemo) adeo impudens : ut de me ipso pu-
tem posse recte me æstimare : nisi quatenus mihi
displiceo : quod malum neq; noui satis castigare :
ceu neq; medicus cōsulte nouit sibi ipsi mederi .
Deniq; susceptarum rerum ea porro dignitas ē :
ut in iis illustrandis succubuisse : grauis profecto

neq; sit criminis: cum maiores sæpe conatus: q̄
nostri in huiusmodi etiam nec indignati concesserint. O mihi ideo / uel inchoato operi / uel ab
incude ad limam perducendo aut certe perduc /
to (nunq̄ dicam perfecto) ut de suis operibus
neq; dicere Appelles / et Polycletus uoluere: qui
bus ad ultimum etiam absolutis / se annexos: nō
uero perfecisse illa inscriptiones et tituli erant .
O mihi inquā affuisses Seuerine. non esset opus
epistola modo: per quam de emendatione / deq;
sententia rogarere. Verum quicquid est tamen:
a tuo non discedam magno unq̄ / fidelisq; iudi /
cio / siue occultandus / siue proferendus tibi uide
bitur labor hic noster. Vale religionis ornamen
tum: et suauissima in domino anima. Veronæ
ex Cænobio sancti Leonardi . XIII . Calendas
Octobres . MCCCCLXXXV . a fœlicitate
Christianæ salutis .

MATTHAEI BOSSI VERONEN
SIS CANONICI REGVLARIS DE
INSTITVENDO SAPIENTIA
ANIMO DISPVATIO:
NES PER DIES .VIII.
IN PRATIS.D.LE
ONARDI IVX
TA VERO
NAM
RELIGIOSISSIME HA
BITAS LECTOR A
GNOSCITO PIE
QVE GVSTA
TO QVI
BVS
O
VERE
SAPIENS
PER CHRI
STVM EVADITO.

ARGVMENTVM.

Primus incipit liber: in quo describitur a /
manissimus disputationis locus: atq; con /
fessus. Cōgratulatio reddita Virgini mul /
ficus numeris. Quid Socrates. Quid Zeno atq;
Pythagoras de humana sapientia senserint. In /
ducuntur pleriq; uere / et cōmuni sententia sa /
piētes. De Pauli apostoli / diuic; Hieronymi rap /
tu permulta intercurrenter / et obiter. Triplex tā /
dem sapientia astruitur: et quæ uere hominis sit /
palam deniq; fit.

fœlici illo Augusti die: quo alma /
dei mater / et intacti fulgoris sere /
nissima Virgo humanis a rebus /
sublata fuit in cælum: cum a no /
bis mane exacta essent: quæ uirgi /
ni honori / et congratulationi conuenerant / mu /
nusq; reliquum diuinum omne pie / atq; perbel /
le tractatū: pransi et Concanonici fratres: in pra /
ra coniūcta cænobio ad umbram pleriq; latissi /
mi mi Seuerine diuertimus: et qua cliuus in me /
ridianum prospectat / opacas subter oliuas iucū /
de confedimus: unde spectantibus hinc se aperit

A. i

gnobis.

uastra / et amœna planicies. Inde se tollunt / par
te aliqua blāda / parte aliqua uero perq̃ horrida
iuga supra Bānacum. Vbi fuere et in conspectu
amplæ / superbæq; urbis Pomeria. Mœnia. Tec
ta. Castella. Amphitheatrum insani quondam
operis monimētum: et indicium claritudine pri
sca urbis Veronæ profecto dignissimum. Præter
fluens cum murmure Athesis / et urbem interse
cans lætissimo flexu (dixerim et amœno / ut in
uerbo cum Marone contueniam: qui Athesim in
quit propter amœnum) Quibus uariis / et speci
osissimis tractibus / atq; spectaculis quaq; diffu
sis hilarescere facile / pulcherrimeq; omniū ocu
li possent: quāq; Moles illa Theatri : quæ æterni
tatē quandā æmulatura uidebatur : magna nūc
parte diruta / et squalentissima tota / miseratio /
nem afferret oculis / et admoneret quantū labo
rent / nutentq; mortalia / ac nisi diuinum / quic
q̃ esse perpetuum. Eo igitur loci per dies octo /
Virgini sacros / constituto / locatoq; consessu /
et delectis ad negociū horis inter nos multa (ut
uidebis) de sapientia disputata fuere: que totidē
ipse in libellos retuli / atq; digessi: tux charitati ac
uenerabili nomini Seuerine dicādos: qui studia
et lucubratiunculas meas nullo merito tanti: sed
zelo te nimio fallente fortasse / per gustati semp

Nisi diuinum quicq̃
esse perpetuum.

atq; probasti. At quidem initium dies primus ita
suscepit. Nam post paucula admodum uerba ui
cissim inter nos habita / de demulcendis auribus
cœptum est cogitari: ad quod titilare animos ex
adolescētioribus unus parūper effecit / libellū p/
ferēs musicū: quē leua tenebat: ea uenustate / pla
neq; et uerecundia: quæ decet adolescentē: quip/
pe qui ingenua indole surgat / primaq; imbuaē
sub præceptore doctrina. Accūbebat quoq; her/
bido aggerulo pxime isti ad rē musicā admodū
aptus Valerius Facinus / filius quōdā meus atq;
discipulus: sed uirtute nūc ea p̄ditus / atq; doctri
na ut ille mihi iam plane sit nō modica in domi
no gloria / percolendusq; magnopere: qui ut iu
nior ille mollem / et clarissimā uocē promebat:
sic firmū pectus iste / et tonātissimū exagitabat.
Astabāt mediæ uocis et suauissimi guturis inter
hos duos Nicolaus / et Seraphin: q; materna car
mina simul / hymnosq; latissimos ī Virginis lau
dē et plausum modulātes / ad lachrymas nos p/
pe mouerūt: quos exaudiētes seorsum qui interā
bulabāt Cælsus prior / et Albertus Auārius ad re /
sonum p̄perauere cōcētum (habuere. n. uiri illi
promptum ut ad cætera animum: ita quoq; idul
gentissimas aures huiusmodi cantibus) quibus
aduenientibus cum cœpissēmus assurgere : non

A. ii

passus Cæsus: manu fecit humaniter ne quis assurgeret: sed salutati capite tantum: confederunt haerentes humeris alter procero Amigdali trunco omnibus præminentior. sinuosa alter oliuæ.

IO. PHI
LIP.

Paulo uero post cum cantu uideremur expleri Ioannes philippus germanus mihi dulcissimus ceteris præter Cæsum / meque senior (Illum. n. ætate antecedo mensibus sex supra triennium) qua solet deuota / piaque mente cœtum interpellare hunc in modum est orsus. Si oculorum auriumque uoluptati applausum uiri patres est satis: animis: si lubet: est blandiamur: qui aluntur sapientia et rerum maximam perscrutatione / atque noticia: quod Cæsus / atque ego cum præbaremus imprimis: ceteri omnes ex

MAT
THAE
VS.

uultu uisi sunt experisse. Vnde ipse Age inquam o frater quid habes in propitu: quod in medium proferas? Ille uero multa inquit de assumpta Virgine: quæ in disputatione uenire percomode uidebatur: hesterno sub uesperis mecum fueram commentatus: quæ in psalmodia antelucana interlectus Hieronymus / et super prædico hodie magnus noster Aurelius enodarunt placide: ac scite adeo mihi: ut nihil iam plane in iis cōtationis supersit: quod et uobis ferme singulis puto contingere: qui lectiones huiusmodi istas non segnius / atque ego præcepistis / re

IO. PH.

centesq; tenetis. Quam quidē ob rē: q̄q̄ nihil ha
beo: unde conflari possit / deduciq; collatio: iter
ceteros tamen indoctor cœpi: ut inde martē accē
derē. Qui cū animaduertā iam se corrugare plei
rosq; / cogitabundosq; contrahere: ex omnibus
in Andreā Morandū me conuertā. uirū sane acu
tū natura / et litterarū p̄terea sacrarū / et huma
narū doctrina ornatū: atq; ēt circi cōgressum de
tractare nō solitum. (Erat uero ille ex ætate i cō
fessu quintus / et uere qualis a fratre memoratus
acer / et de multis in differendo p̄mptissimus)
Qua de re in eo intenti omnes expetere uisi su
mus: ut pro tempore aliquid induceret: qui obse
quēs: ut facili / et suauī semp̄ est animo. Quoniā
dixisti Philippe inquit tractus ut soles: nobilita
te animi tui / dandū esse aliquid animis: qui sola
aluntur sapientia: atq; doctrina: quæro / quando
impræmeditato mihi maius / aut melius nihil oc
currit: quænam tua ista sapientia est: quæ alit ani
mos? de qua disputare digna fortasse res erit: ac
certe pulcherrima! Ad quē germanus. Hæc una
uirtus Andrea mihi plane esse uidetur: quæ red
dit hominē quantū ei fas ē / deo fere simillimū:
solo in homine / atq; angelo cadens: qua homo
cæteris animantibus præstat: quam ēt diuinarū

A.iii

ANDR.

Quid sit uera sapientia.

IO. PH.

humanarūq; rerum notionem esse definiunt: cuius nomen ut speciosū: ita res ipsa: cū fructifera: tū salutaris. At uero Morādus nihil ultra passus audire: sed manū caputq; agēs intētius: q; motus est sibi innatus: recte tu pater dixisti ait: sapientiā ab eruditis ita definiri: atq; nobilitari: ut diuinā humanarūq; rerū constet notione: sitq; iucundissima: ac salutifera: cui assertioni antehac ego quoq; sine cauillatione plene cōsensī: quoniā ita simul et philosophi et uulgus p̄loquerētur: Sed nūc altius rem istā rimanti: titubatio mentē incescit uirtutē hāc tantā ullus ne unq̄ sit assecutus: quod siue dicatur siue minime: utrinq; uel calūniā uel obscuritatē responsio sit habitura. Quare: si tu affirmaueris: ego negabo: et (ut puto) facilius. Cur te Andrea hic scrupulus uexet: nō satis perspicio rerulit frater. Nō multos legis publicis uocibus decantatos sapientes uereq; habitos: quibus indigenis suisq; cōciuius: uariæ graciæ urbes nihil habēt insignius? Thaletē inq̄. Pittacū. Biantē. Solonē. Cleobolū. Periandrū. Chilonem: et his additum Apollinis oraculo Socratē? Socrates. Qualis et in rota iudra appellatus ē Solomon? et a nostris nostro hoc tēpore quisquis ita iuste: impollute. scite. appositeq; in omni se ostērat ha

vii. sapien
tes.
Socrates.
Solomon

betq; negotio/atq; officio: ut quantum omnino
humana uis potest in nullo deprehendatur errat
re? Quis uero: nisi excors: huiusmodi insignes ali
quos non sapientes audacter/prompteq; iam di
xerit? Neminē non dicturū assenerabo tū inquit
Andreas: si talem quēpiam usq; mihi es porrectu
rus: uerum enim uero diuinarū humanarūq; re
rum cognitionem: et ipsarum habitū expressisti
Sapiētē tueri. At uero tu Philippe: qui supra ter
tium/et sexagesimum uixisti annū: quē ex omni
bus: quos agnouisti: aut etiā dilexisti unq; dabis
mihi unū/excepto Iesu xpo domino/certo uero
que deo: qui diuinarū humanarūq; rerum noti
tiam funditus capiat/aut capturus putetur in oē
posterum tempus: nisi rursus oriatur mundo no
ua aliqua soboles sanctior omni ātiquitate atq;
diuiniō: quæ si expectāda sit: prudentiæ non exi
guæ tuæ Philippe esto iudiciū. Et enim uiden
dum est quos et uulgus et philosophi opinātur/
et p̄dicant ut dixisti sapientes: q̄ docte / et quali
adhibita ratione eos ipsos sic astruunt. Nā de re
diuina si contēdamus: quantē porro temeritatis
est: dei arcana: quæ æterna. quæ infinita. quæ et
ab his sensibus: per quos intelligimus/atq; digno
scimus abstracta/alienaq; sunt: hōinē putare/aut

ANDR.

A. iiii

assequi posse. aut tenere. aut quouis modo per-
tingere? Si et de humanarum rerum cognitione ha-
benda est contentio est: per quas naturalium causas /
et rationes puto accipiendas: Ex res profecto omnes
et si conferri cum dignitate hominis nequeunt: quia
homo superior illis est / proximam diuinitati indo-
lem / naturamque sortitus / et earum dominator con-
ditus: eas tamen ipsas nondum comprehensas ad me-
dulasque libatas ab humano uidemus ingenio .

Socrates

Ab his igitur septem: qui Cyri temporibus florue-
runt: nihil porro habes o Philippe prater quasdam
sententias argutas ad utilitatem humanam uitae
inuentas / et breuiter dictas. Quare non paruo de
inde spatio temporis interiecto / magnae prudentiae exi-
stimationisque philosophus Socrates / et eum secuti
Academici ueteres: de iis posse uedicare sibi scientiam
desperantes: praestare censerunt partem eam
philosophiae: quae morum esset: quam quae naturae con-
sectari. Neque erubuit ex conscientia Socrates: ne
aut turpiter falleretur / aut improbe falleret: fate-
ri de se illud igenue: quod ad omnium postea ora
puasit / Hoc tantum scio quod nihil scio: sequitur totum post
habita / exhibitaque naturali doctrina omni / uitae
deuouere morali: quam primus: ut dicto Ciceronis
blandissimo utar: e caelo deuocauit ad homines .

Hoc tantum scio quod nihil scio.

de fortitudine quotidie. de prudētia. de iustitia .
deq; aliis uirtutibus differens: quæ sola hominū
bona appellabat. Sic et Zenonē fecisse patet cō
stātissimū pfecto uirū / ac solēni doctrina / et lau
de philosophū: et cū illo omnē turbā Stoicorū :
quorū ille extitit princeps. Ita quoq; āteq; philoso
phia nomen teneremus et Pythagoras sensit / et
tradidit: qui hos ātecessit ætate. Siquidē cum ad
eius tēpora usq; / qui se se doctrinæ / bonisq; arti
bus totos dedidissent: sapientes uocarentur: q̄uis
plus quidē sapere putaret Pythagoras: q̄ illi pri
ores: offensus tamen falso et arroganti sapientis
nomine: q̄ certe putaret neminem esse sapientē:
cum quæ nā esset eius professio quæsitus fuisset :
se esse philosophum quærenti respondit. Quod
qui quæsiuit ē admiratus / ut citra priorem iactā
tiam se Pythagoras non Sophon / hoc est sapiē
tem / sed philosophum mallet appellari. Nā phi
losophus inquisitor et amator sapientix est : ac
philosophia ppriatq; latine amor / et expetitio
sapiētix nō sapiētia dicitur: quæ appellatio: quo
niam quidē uera: incremētū abinde magnū / et
gloriosum tenuit semp / atq; seruauit. Hæc itaq;
pars: quæ ad res humanas et phisicas ptinet si ha
beri exacte ab hoīe neq; ut tātorū philosopho /

Zeno.

Pythago
ras.

se se philosophū.

Nota .

rum defendit auctoritas: q̄to porro eam minus:
quæ diuina ē: homo assequi poterit: ab huma/
nis distantem sensibus infinita proportiōe/inter/
minataq; mensura? In tā aperta igitur ueritate
(uelim/nolim) flecti ad eos cogor: qui ab homi/
ne non sapiētiā modo: sed humanam etiā sciē
tiam susculerunt omnem. Neq; sane puto aliter
abs te posse existimari his auditis: res ipsa Philip
pe. Cui rursus ille morande te quæso inquit:
Quæ ars ulla? quæ ue exercitatio est: quæ nō sciē
tia constet? Nā bonas ut artes praterēā: aruorū
cultum. militiam. fabrefactiuā. lanariam. coriari
am. tonsoriā. ceteraq; ad uitæ necessitatē et com
modum quæsitæ/atq; inuēta nemo iam tractat:
nisi ea sciat et calleat. Neq; eorum peritiā arroga
re ullus sibi p̄sumit: qui non ante didicerit. unde
illud ē uerum Quod medicorum est promittunt
medici tractāt fabrilīa fabri: et Nauita de uētis:
de tauris narrat arator. Quod ita cum sit: de his
singulis ergo scientia. Certitudinē p̄terea/ac re
rum multarum ueritatem usus/exp̄ientiaq; adin
uenit: quod negabit nisi delirus. Etenim aquam
humidā/frigidāq;. Ignem contra calidū simul et
ficcū. Solis/lunæq; defectus et motus ac nimbo/
rum et tempestatum signa non a phisicis modo/
astronomisq;: sed ab agricolis etiā /nautis quoq;

trahat fabrilīa fabri.

collecta sunt: multaꝫ id genus: quæ nisi sciant:
utiqꝫ sit p̄eundū. An tu ita anguste qđē sciam fi
nis: ut nō iā ultro cōcedas: qđ hęc pite apprimeꝫ
callent eē sciētes? et qđ cū his diuinū quippiā ple
ne/alteꝫ deprehēderint: ut esse deū: a quo opri
mo/atqꝫ benefico quicquid ē effluat/et sine quo
esse nihil possit oīo: et qui eū ita agnitū/atqꝫ del
prehēsū fide ac pietate/qua maiore possūt excol
lāt: nō hos quoꝫ sapiētes asseueres? Quāto ma
gis qui religiosius/atqꝫ cōstantius eū uenerant/le
per/et sitiūt/illud dauiticū intra se gementes ma
gnope ac suspirātes Quēadmodū desyderat cer
uus ad fōtes aquarū: ita desyderat aīa mea ad te
deus. Sitiuit aīa mea ad deū: fōtē uiuū qđdo uer
niā/et appebo āte faciē dei? Qui parētibꝫ simul/
patria/reqꝫ oī dimissa/atqꝫ posthabita sobrii. cali
bes. solitarii. clausi. et rāqꝫ ceteris emortui curis/
atqꝫ negotiis se deo totos addixere: qđ si nō quo
que oēs istos cateruati ī sapiērū catalogū admise
rimus: obscurabūnt rāmen adeo rari illi: qđ in oī ui
tæ pte admirabiles extitere? et quorum mors fuit
gloriosa miraculis: ut ab sapiæ limine penitus ex
plodānt? Habuimus ex maphea tua familia cālse:
quē tu/et Mattheus germāus hic meus egoꝫ ui
dimus: Paulum patrem: cuius recordatōe/ et no
mine semper ornabimur / dum uiuet stabitque

Nota pau
lū Maphe
um.

Religio: quē quidē ego ferme ambigo inter caelestes ne spiritus/ an inter mortales æquius collocē: nedū sapientē appellē: cui nēpe uiro quid laudis unq̃: quid integritatis: qd honestatis: qd uirtutū ceterarū et sanctimonie defuit: quo minus in sapientum numero reponi debeat? Nam per omēs gradus eximie sanctitatis imprimis ire a teneris cœpit / charitate ī deum / atq; homines ardens. humillimus non foris modo / sed re ipsa magis interius . impolluto affatim corpore : quin quoq; et uirgo: ut a plurimis creditum est: qui et legere quotidie. et orare. et flere nō destitit. docere quoq; et predicare: cū locus exegisset: assiduus ē fuit. Quo in consulendo nemo prudentior: atq; fidelior. In exhortando efficacior . in consolando suauior. in commonendo benignior. in differendo clarior et admirabilior: cuius sciētia / atq; doctrina infusa magis: q̃ quæ sita / partaq; omnibus uideretur. Illi acceptissimus extitit suus æqualis / et eiusdem nominis Paulus ille Pergulanus: qui Venetiis insigni laude philosophiam / theologiamq; publico gymnasio tradebat. Ad eum uir ille doctissimus / et ea tempestate illis in litteris princeps in nostrum sæpe charitatis cœnobium diuertebat. Subtilissimis simul illi de rebus cōferebāre:

Paulus pergulanus.

his scilicet: quas præsertim circa diuinam naturã
theologi sudantes solēt inuestigare. notiones di
co. processiones. attributa. operatōnes interiores
dei / ac exteriores: et id genus grauiā atq; nodo
sa: de quibus obscuritatibus cum loquuntur cæ /
teri: uix aliud: q̃ terminos colligis. Sed ea ista
quoties noster hic Paulus suscepisset: nō de scho
la Scoti / aut Aquinatis eius sermo pendere Per
gulano uidebatur: sed illum referre uisa / modo
q; in terras ad nos descendisse a cœlestibus / ma /
gnitudineq; diuina dicebat: quæ sæpe cū lachry
mis oculisq; supinis prosequēbāt sāctus et ad gu
stum rei diuinæ mollissimus ille. Quos uero sen
sus de prophetis: quam et dulcedinem de nume /
ris Dauid erueret mirabile creditu. Hunc pariter
eloquio priuato / fandi q; lepore / siue grammati
ce / siue materne loqueretur nemo superabat.
Qui et q̃ plurimas reliq; epistolas / partim graues
partim familiares: ut res tempusq; poposcerat:
quas hinc / atq; inde dispersas in corpus unū reuo
cauit: perq; libros discreuit discipulorum primus
et eiusdem sanguinis Timotheus: ī quibus hoc
maxime uno precellit omnes: quod nemo ex ani
mo magis quæ optauit uisus est dicere: quas si ei
curæ fuisset posteritati mandare: terxissetq; / et

Nora
Cambiū
Bossū.

lenigasset: ut facile poterat: nihil haberemus cū
eloquētia sanctius/atq; suavius: Quod non fecit
ex cōscientiā modestia puto. Nā tā exactā et mul-
ti tēporis humillimus ille neglexit diligentia. Vi-
dentur. n. magis excussa aliqua repēte de pharei-
tra/ aut manu pleniorē quidē elapsa: q̄ rhetorica
ulla studiosius opera expolita et laborata: quod
si quādo faciendū putauit: examussim effecit. De
Cābio Bossō quoq; nostro q̄ta pie et maxime Ie-
su se mihi offerūt: quæ uobis uti mihi nota præ-
tereo: claro quæ tuo Matthæ frater epitaphio
sunt celebrata: quod in eius obitu sancto ad Se-
uerinū scripsisti: quod se ingessit mihi nuper uel
luti sponte: cū epistolas legerē tuas: in quo sane (
ex fide loquor) perlegēdo a lachrymis tempera-
re mihi uix potui/ admirabiliū huius uiri uirtutū
dulcedine delinitus et motus. Multos his duob;
quos retuli Paulo et Cābio p̄ximos p̄ omne p̄te-
ritū tēpus cōspeximus: et nunc quoq; tenere ple-
rosq; diuinæ beneficētiæ dono/ miserationeq; læ-
tamur: quos p̄seq; singulatim omēs: ut ip̄p̄tinē-
tis negotiū: sic et iactātoris leuitatis forsītā uide-
re. Satis fuerit mihi Andrea hos tibi porrexisse
nostros hoīes / meo semp iudicio: et cōmuni (ut
arbitror) opinione sapiētes. Quod si sapiētia: ut
enixius contēdisti: nulla adhuc tibi uidet; aut ē

si eā existere putas: sed tanq̃ exulantē a re huma
na / uel penetralibus abditis occulto in se ipsa re
gnātem nulli concedis: iugum bona cum uenia
tecum Morande tanq̃ cum infideli non duco :
qui in humanis / diuinisque litteris et sapienti /
am : et præditos sapientia tam saepe nominari at
tolliq; conspicio. Extrāt libri Solomonis: qui sub
sapientiæ nomine in ecclesia ideo sancta catholi
caq; legūtur: q̃ in iis æque suscipitur aliud nihil
atq; tractatur: q̃ de doctrinæ / et sapientiæ laude /
proq; uiribus omnes ad eas capeffēdas certatim
inuiantur. Horum pulcherrimus unus Prouer
bia sunt: ubi illud audis et legis. Nonquid nō sa
pientia clamat et prudentia dat uocem suam ?
Nam in summis uerticibus super uiam in medi /
is semitis stans iuxta portas ciuitatis, in ipsis fori
bus loquitur dicēs Ad uos o uiri clamitto et uox
mea ad filios hominū. Accipite disciplinā et nō
pecuniam. doctrinam magis: q̃ aurū eligit. Me
lior est enim sapientia cūctis opibus. et omne de
syderabile ei non potest comparari . Habetur et
uolumen illud: quod alio nullo: q̃ sapientiæ titu
lo prenotatur: quod Philoni hebræi attribuunt.
Et ecclesiasticus: qui a Iesu Sirach æditus est : in
quibus quoquo te uertis: nihil magis : q̃ discipli
nam: q̃ peritiā: q̃ et sapientiam colligis . At ue

Nota .

ANDR.

*An paulus dicat
sapiens.*

ro in prophetarum oraculis / psalmodiūq; carmi-
nibus quid passim aliud / nisi doctrina tibi occur-
rit / et sapientia loquitur / Sed quid deniq; clari-
us: q̄ quod de se proficitur Apostolus Sapientiā
loquimur inter perfectos. Nemo non sapiens lo-
qui sapientiam potest: q; si Paulus loquitur: Ec-
ce tibi iam unum: quem extitisse sapientē neque
as inficiari: alioquin mentitus uideatur: si se lo-
qui sapientiam inter perfectos non ueraciter di-
cat: quod de Paulo sentire ita ego possum: ut de
ipso deo quidem horridum scelus. Tum Morā
dus ita sane nihil est: quod minus ego etiam pos-
sim: q̄ in sententiam quauis de re non transire /
currereq; cum Paulo. et tecum Philippe quoq;
q̄diu quotiesq; cū Paulo curris: sed uide a Pau-
lo longe non absis: cum te ei proxime putas. Sēp
illud ipse cōtendam: quod iam asseueraui / argu-
mentisq; fulciui. Si uera / et infracta est sapiētiæ
definitio: sapientem esse neminem excepto quē
prælibauimus: præstantissimo quidē deo / et eius
unigenito Christo: Quoniam uero ad Paulum
tu Philippe me rapis: quo nemo fere diuini-
or / deiq; plenior: puto / doq; tibi quatenus ita diui-
nus ille fuit / et dei plenus eum certe fuisse tū sa-
pientem: qualis uero citra hoc fuerit sapiens nec

ne: hæsito equidem: quam hæsitacionem ex ipsi
us auspicor raptu. Aduerte hic Philippe te quæ/
so. Scio hominē inquit nescio in corpore/an exi
tra corpus: deus scit. huiusmodi raptum usq; ad
tertium cælum: inq; et paradisum/et arcana con
spicatum: quæ non licet homini loqui. Hic oro
te iterum Paulum intente parumper obserua.
Quædam se scire liquido profitetur se fuisse ral
ptum uidelicet: et locum quoq;: quod est tertiū
cælum/et Paradisus, et hactenus hæc pace tua/ pa
ter ad solidam sapientiam (quod docebo) non p/
rinent. Quædam pariter se fugere contestaſt ap/
te: ut quæ inspexit arcana: de quibus loquēdi cō
pos minime manserit. Sic incertum se quoq; de
modo uidendi nescientē/ ea ne intuitus in corpo
re/an extra corpus fuerit: sed deum scire. q; si pri
ma gloria doctorem / et orbis terræ magistrū ad
tertium usq; cælum ita ineffabiliter raptū: et cui
nouissime post omnes discipulos dominus in ter
ris uidendum manifeste se dedit: ignorare uide/
mus diuina: quæ uiderat. et sapientia: ut ipse di/
xisti: diuinorum est notio: si non definitionē in/
firmas/et uiolas: qua ratione plene sapientē Apo
stolum astrues: quibus ue coloribus finges? q; si
non uirum ita diuinum/cæterorūq; institutorem

B. i

IO. PHI.

Nota .

ANDR.

talem habeas: qualis requiritur ad diuinarū rerū
sapiētiā: quos amabo monstrabis alios digito :
a quibus percepta diuina sint : quorū agnitione
oportet (ut diximus (præditum esse: qui euadat
ad cognomen / et fastigiū sapientis ? nostros ne
forsitan: quos cōmemorasti: Paulum / et Cambi
um: aut huiusmodi ullos ? Ad hæc frater leuiter
subridens te quæso inquit Andrea/ ne ultra: etiā
si ioceris: sapiētiā polluas: sed progressum detor/
que parūper a semita: et quæ de raptu Pauli cō /
mode enarrari queunt: ne per deū prætereas. Ap
petibiliores sæpe sunt epulæ: quæ paratæ/ conqui
sitæq; non fuerant: sed mēsa ex insperato ferun /
tur: q̄ quæ ingenti cura et ambitione struuntur:
et ut plerunq; quæ peregrino ex solo carpuntur:
gratiora sunt poma: ita in differendo ēr concīna
opportunaq; uarietas lepidiorē uim habet et cō
dimētū. Qd̄ si intercurrentem rē istā clare diges
feris: reor nec tunc fore difficile enucleare quod
quarimus: rē uero ip̄am ex se nec indecorā / nec
leuem. Ip̄e uero dū dixeris / cupidissime ego tibi
frudebo / sermonemq; / ueluti historiā / tuū sine
interpellatione: ut modo feci: sic semper accipiā.
Tum Morandus / quoniam de Paulo inquit / et

audire et loqui / cum occasio incidit: tam auidē
equidem / iucundeq; soleo: q̄ Paulus / cum doc
trina / tum meritis est omnibus in ecclesia clari /
or: nō recusarē hoc munus in pulcherrimo hoc :
quod nacti ocio sumus: si prater me alius nō isto
prato recumberet et doctior / et lōge prastātor.
Sed neq; uelim esurius ita uideri / ut omnia uo
rem solus: atq; liguriam. Quare hanc ego ueniā
deprecor ut cum dixerim ipse iam satis: assurgat
alius. Quod ex ætate atq; peritia Alberto conue
nire meo plane iudicio aq̄uissime puto: Qui et i
Paulo quicq̄ noluit praterire iam dudum: quod
sibi familiare nō fecerit / ac prope uernaculū: ut
quoquo in sermone Paulus illi sit p̄sentissimus:
ceterisq; pralatus. Quare prebe te nobis Alber
te. Sic itaq; hortante Andrea ac suadente: mox
uniuersi: ut diceret: sunt illum aggressi: qui hila
riter obsequens / ita cœpit. Mihi exoret Aposto
lus: ut quantum auidi estis: tantū mihi quidē di
cere liceat Patres. Subinde nō satis mihi fuit in
quit cogitatione interdū / animoq; uersare quæ
isto suo de raptu ab humanisq; secessu scri
bit Apostolus: nisi et quæsierim: quæ subtilius
Theologi et ecclesiastici itēp̄res digna cognitu

ALBE .

B. ii.

Nota de
Hierony
mo.

narrant. Sed imprimis reor nobis exquirendum
quid intelligi uolumus / raptum cum dicimus:
Quæ uis nominis sit. quæ descriptio: in quo ui
detur: uel Paulus ipse titubasse: qui se cum raptū
affirmer indubie: de modo subinferat nescio in
corpore: an extra corpus. deus scit. Quod nihil
absimile euenisse compertum est ceteris: qui ra
pti fuere: nostro Hieronymo maxime: cuius in li
bello de modo uiuēdi deo ad Eustochium et so
rores a se composito ad unguem ista sunt uerba:
quæ puto (si uos non piget) memoriter me posse
referre: quod facturus latior sum: cum ecce uos
uideam citato Hieronymo p̄pensorē mihi ope
ram dare. Nam ut ī īspiciētiā loquar uir ingt il
le sanctissimus ego homunculus sic abiectus / sic
uilis in domo domini adhuc uiuēs in corpore an
gelorum choris saepe interfui de corporeis per eb
domodas nihil sentiens. Sed diuinæ uisionis ītui
tu post multorum forte dierum spacia / p̄scius fu
tutorum corpori redditus flebam. Quid ibi ma
nens fœlicitatis habebam. quid in enarrabilis de
lectationis sentiebā: testis est Trinitas ip̄a: quam
cernebam nescio quo intuitu. Testes sūt ipsi bea
ti Spiritus: quī aderant: Testis est et conscientia
mea quia tantis bonis ipse fruebar: quor / et qua

lia nescit proferre mollicies corporis mei. Refri-
cate animo singula uerba : q̄ optime deus ē omi-
nino Hieronymus Paulo simillimus. Sed nostrā
ad rē reuertamur: Definiri raptus meminisse mi-
hi uideor: si non me recordatio fallit: qui ad hoc
meditato non ueni : ut sit abstractio quædā ani-
mi / atq; alienatio per superiorem quidem uirtutē
ad beatitatem eam delibandam : quæ eius: qui al-
leuatur: et rapitur: facultatem excedit penitus / at-
que naturam : cum abstractione interim a sensi-
bus corporis. Solui igitur / ac separari intentione
mirabili animam oportet a corpore: ut raptus ue-
re possit / ac solide dici. Quæ abstractio dum fit:
neq; eam satis abstractus comprehendit : adeo
succumbit superiore sub ea uirtute natura: a qua
tantus hic motus efficitur. Neq; tamen ab ani-
ma usq; adeo corpus deserui dixerim: ut exemptū
stirpitus uitæ / formaq; / intereat. Sed tanta est uis
coniunctionis animi cum re diuina: et illius per-
specta cum gloria: ac tantus simul in rem amatā
amoris æstus: ut magis quidem ubi arripitur : et
sublimis tollitur ita affectus animus uigeat : q̄
ubi uiuificat. Intentioni enim atque amor uni-
uersa concedunt : estque talis quisq; qualia de-

Raptus
quid.

Nota.

Nota.

No.

B iii,

Cælum,
Paradisus

Quid sit
tertiū cælū

perit. Dum itaque eum in modum raptus su-
pra se fertur: fit repete ea per momenta beatus:
cui maxime rei clara / et plurima testimonia in
prophetis / et psalmis sacrae litterae ferunt: quae
praetermitto: ne longius dissedamus a Paulo.
Quid porro tertium iam sit cælum. Quid para-
disus: quem nominat: cur postremo de inspec-
tis loqui nequiverit quā breuiter possumus poti-
us indagemur: quae sane cura uti Philippe tibi:
qui hoc differendum putasti: atque rogasti: ita
nobis reliquis non erit intempestiua / aut inui-
cunda fortasse: si satis eam ego expedire potue-
ro. Per multa namque ab ueteribus conquisita /
enarrataque sunt de tertio huiusmodi caelo: sed
ea liquidius / et copiosius explicata ab recenti-
bus theologis nostris / ab Aquinate praesertim /
uiro ut gloriae sanctitatis: ita solida / uariaque do-
ctrina insigni atque mirabili. De tertio itaque
caelo hi ferme omnes consentiunt: ut sermo: qui de illo
suscipitur: partiri trifariam / distinguique conueniat: atque
ita imprimis: ut aliquis uere locus corporeus / soli-
dus / atque tractabilis sit: id est cælū illud superius / om-
nium uastissimū / continētissimū / lucentissimūque: quod
empyreum / hoc est igneum uocant: in quo cunc-

torum cælitum domicilium est/et quæ fœlicium
nunc animos demigrantes a corpore sublimis ex
cipit Regia : quod tertium idcirco ab Apostolo
est nuncupatum : quoniam eorum quidem pro
portione / atq; distantia : qui infimi cæli medi /
que subiiciuntur: situ/atque natura sit ipsum su
preum . Nam horum infimum ē: quod subter
lunarem orbem continet elementa: in quo: cum
cæterarum rerum : tum hominum / atq; bruto
rū generatiōes / et corruptiones iugesq; qualita
rum omniū uicissitudines / et uarietates fieri cō
spicimus. Secundū autē speræ illæ omnes, quæ a
lunari globo usque ad empyreum pertinēt. Ter
tiū uero ipsum empyreum / ut diximus / atq; su
preum . Verum ut theologorū: quos citauimus:
uerbis proximius utar : empyreum sane respectu
cæli aerei (cæliq; siderei / aut equidem potius cō
patiōe cæli stellati: cæliq; aquei / aut uero cristal
lini tertiū obtinet gradū. Atq; hæc d̄ cælo locali.
Alio uero sēsu tertiū hoc cælū accipi uolūt ex re
rū cognoscibiliū serie: quæ plane huiusmōi ē / ut
primū / atq; infimū / cælestiū corporū: et quæ in
iis est uisibilis machinæ omnis cognitio esse di
cā. Secundū spiritalis naturæ : idest angelorū

Primū cæ
lū locale.

Secūdū.
Tertium.

Alius sen
sus.

B. iiii

Alius ite-
rum

Nota de
Paradiso

plena comprehensio. Tertium immensi gloriosi
que dei in maiestate ineffabili sua clarissimus
fœlicissimusq; contuitus. Gradus tris præterea
addunt: quibus dei mirifica Beatitudo cognosci
rur. Quorum primum ad minorem supernarū
intelligentiarum Hierarchiam pertinere uolue-
rūt: quasi in gradu primo isto locentur: qui tan-
tum deo fruuntur: quantum primum angelorū
fruitur agmen. Secundum æque gradum ad hie-
rarchiam mediam referentes: atque hos gemi-
nos Paulum gradus excessisse: et ad supremum
ipsum: quod cælum tertium intelligatur: subli-
mius euasisse: adeo ut in perspicuenda gloriæ ma-
gnitudinis Dei Tronorū. Cherubin. Seraphin-
que: qui plenius re diuina beantur: persimilis fa-
ctus sit ordini. Inquam tantæ fœlicitatis arcem
admissus: et beatitudine ultima ita affectus se
quoq; in paradysum raptum pergat astruere: ut
per Paradysum inefabilis delectationis dulcedi-
nem: qua carere potest nullo equidem modo: q-
deo coniungitur: euidentissime profecto suade-
at. Nam paradysum hortum pomiferum/uel po-
metum consitum interpretari solemus: quo be-
ne culto/ atque uernante nihil aspici solet specie

iucundius / usque uberius . Effecit hac itaque tan-
ta uoluptatis / gaudiorumque complexio : ut paradi-
sum tertio caelo coniunxerit . His ita delibatis su-
perest ut differamus cur reddito iterum deorsum
in terras de caelestibus : quae inspexerat : fari Apo-
stolo nullo modo licuerit : quae pars quemadmo-
dum cetera etiam doctissimorum nostrorum ho-
minum studium meruit / ac diligentiam . Quam
obrem animaduertendum imprimis nobis illud
est humanis sensibus / omni-que naturae praesentem
Dei maiestatem et gloriam / dum manet in cor-
pore / inspectare esse omnino negatum : quoni-
am inter alterutrum deum scilicet et creaturam
indemensa utique / et incoibilis est interiecta distan-
tia . Tollatur ergo extra se / et a re omni penitus
abducatur humana necesse est : qui uisurus ullo
modo sit deum . Quare ad tantam qui uisionem
excedit : non in se quidem id habet unde deum
inspiciat : sed diuino illi praelucente lumine fun-
gitur : quod sane dum facit : eius specie / gloriaque
perenni efficitur exacte beatus / adeo nequit ab in-
spicientia illius maiestatis aeternae beatitudo di-
uelli / neque uicissim a beatitudine / diuina coniun-
ctio . Dum itaque sumus in corpore : ita corporati

Nota.

Modus in-
spiciendi
Dei.

Nota.

Similitudi
nes aptæ.

Nota.

ita impediti. ita graui semper offusi caligie pere-
grinamur a domino / ut inquit apostolus. Vnde
et illud ad Moysen diuini oris oraculum Non
me uidebit homo / et uiuet : et illud in euangel-
lio apud Ioannem Deum nemo uidit unquam. uni-
genitus autem dei filius: qui est in sinu patris: ipse
enarrauit. Non humanæ igitur naturæ: ut dixi-
mus: ista res est: sed gratiæ. non huius sæculi: sed
futuri. non mortalitatis: sed perennitatis in iis di-
co. quos prælegit sibi sanctos et imaculatos an-
te sæcula constituta architectus ipse / et mundi
rektor / et princeps gloriæ deus. Similitudinē de
his sumere a senioribus uobis mihi concedite: quæ
hebescente grauius uisu adminicula uitrea / aut
cristallina oculis adhiberis: quæ quādiu admota
sunt oculis uisionem / amota uero cæcitiētiā
faciunt. Similiter dici de iis equidem potest: qui
naui feruntur quo nullus est terrestris accessus:
et ad funem portus latissimorum fluminum tra-
nant: cæterisque itidem multis: quæ negata pror-
sus sunt homini: nisi externis quatenus subnita-
tur auxiliis: unde quantum ipse reor illud est di-
ctum in psalmis in lumine tuo uidebimus lumen.
Noxque sicut dies illuminabitur / et sicut teneb

bræ eius: ita et lumen eius. Dum itaq; has luteas
domos habitamus inferius/mediq; tanquã sub
nocte uitam agimus in obscuris ceu uiatores per
agramus incognita. In patriam uero: municipiũ
que caeleste: unde decerpti sumus: translati: ciues
que sanctorum / ac domestici dei effecti: æterna
tunc illa serenitate lustrabimur: et comprehen-
sores erimus ueritatis: neque specillis illis: ut an-
rediximus: adiunctis: sed per nos ipsos rem in se
ipsa diuinam sicuti est conspicabimur. Quam /
obrem noster iam Paulus impertita ei huiusmo-
di luce dum fuit in raptu / diuinam quidem ma-
iestatem: et inscrutabilia illa arcana caelestia tan-
quam collucentibus illi quibusdam undiq; faci-
bus perspexit. collibauit. ac tenuit: cui corpori
reddito tanti luminis faces protinus extinctæ fue-
re: et quæ uiderat / funditus ita deleta: ut et noi-
scendi / et de iis fandi dum uitam traxit inter hu-
mana: impos semper extiterit. Quæ res sane: ut
claritas atque tenacitas animis hæreat: fabulabor
parũper medio ueluti circo hærena ue spectan-
dus: non lasciue ut Apuleius in Asino: sed can-
dide: ut castis auribus uestris par sane est. Duca-
tur in Circum uel equus / uel Camellus uel

Nota .

Nota.

Similitu-
do.

elephantus. Deus autem: cui nihil est factu non
facile: horum unum mutet in hominem. aut cō/
tra homo ipse/ut Nabucdonosor quondam uer/
ratur in bouem. aut Atheon ut olim puer fabul/
lose legebam in ceruum. inque suum pationem
Pythagoras. de quibus tamen fabellis non sit ul/
terius inanis cunctatio. Sed qui a deo factus est
in hominem sit elephantus: Porro cum naturā
et dignitatem humanam acceperit: tum usu ra/
tionis fruetur: tum et loquetur quidem: et ratio/
cinabitur: et discurrer. et componet. ac diuidet.
Quin et praesentia admirabitur. futura praecogi/
tabit. praeterita seruabit: et quod est dignius: cre/
atorein etiam deum agnoscer. colet. atque uere/
bitur. demumque ea plura: quae communia cui/
que sunt: qui uerus sit homo complebit. Postea
uero q̄ in his: quae memorauī: tempus aliquod
munere perfunctus erit humano: qui et mutare/
et subiicere sibi omnia potest deus hunc ipsum
rursus in elephanti speciem / naturamque re /
ponat. Redditum ne ita sibi hoc mutum com/
minisci / aut eloqui de humanis: in quibus fue/
rat: poterit? Nihil per omnium fidem minus oī/
no. Conclufa igitur et absoluta: ut mihi uidef:

omnis est ratio: cū patefacere Paulus arcana cæ-
lestia in carne non potuit: quæ per mutuatam il-
li gloriæ lucem spiritu animoq; perceperat: lucē i-
quā non quæ perennis esset: atq; perfecta: et qua-
li beatissimæ in cælo animæ exuta corporibus si-
ne intermora fruuntur: sed non nisi manentem
eo pro tempore: quo examinatus quodāmodo fu-
it a corpore. Quare si hæc enarrata dē raptu Pau-
li: sunt hactenus satis: cursum ad sapientiam de-
nuo: uelaq; flectamus: et nun Paulus: et qui eius
sunt similes: doctrinæ plenissimi: et uirtute / san-
ctitateq; p̄clari habendi sint sapientes: nec ne q̄s-
piam uestrum edoceat: et id quidem tã hilariter:
q̄ et ego prompte imperata subiui. Ad quem
ego Nō te Alberte frustra desyderauimus. Expo-
sitam enim tã exacte. splendideq; et rationibus /
atq; figuris enarratam Pauli uisionem nobis re-
liquisti: ut a tuo fonte dulcissimo incēsa sis ma-
gis nobis equidem sit: q̄ certe s̄data. Verū mox
ille ut tu Matthæe dicas. nō uero alios incites oī-
um expectatio: auiditasq; moratur: qui plerisq;
nostrum ad hæc sane studia modo ducē / modo
comitem: modo et auxiliatorem te s̄pe adhibui-
sti: et qui admodum præstas facilitate ex longo
usu dicendi. Quæ ad uerba ego o Alberte inquā

MATT.

ALBER.

MATT.

(mihi credito) ita uos admiror omnis / et tene-
ror: tanta et charitate complector: ut cum uos di-
centes exaudio: totum liniri ad pedes usque me
sentiam: nedum oblectari quidem: a quibus pla-
ne: ut in ceteris potioribus: ita in eloquio etiam
me uideo superari. qui et in iunioribus uobis me
solor saepe uehementer quod quantum senex ipse pau-
latim exinaniri me sentio: tantum felices ipsi sur-
garis. Quare ne me priues oro tanto isto solatio:
qui uel tamen fortasse experiar quæ dicta et di-
sputata a uobis erunt posteritati transmittere: si
mihi tantum auxiliatus dominus fuerit: quantum
res ipsa poposcerit. Sed neque desinam etiam quin
colloquar alio: si oportuerit loco: aut id mihi
suggererit incitatio spiritus. Tu tamen interim
a re cæpta noli Alberte decedere: quod mecum om-
nes cum asseuerarēt Cæsus præsertim: ille perexit his
uerbis. Quæ multa Morandus acute est prose-
cutus / confutanda mihi forent diligenter impri-
mis: si tam ex animo / et conscientia ea ab eo di-
cta: quæ: cum oblectandi: tum periclitandi inge-
nii causa existimarem. Quod ita fuisse aperte iam
uideo: cum sublubrico oculo / oreque uenusto sub-
rideat. Sanari faciliter uulnera: et quas irroga-
uit sciētix / et sapiētix extergi calumniæ queunt.

ALBE.

neque cauterium | nèque nitrum est admouen-
dum . Læsis summa cute | et summo clipeo de-
finitionis extenditur . saluum est caput . saluaq;
præcordia . Si ab humanis cognitio | et sapiëntia
tollitur : necesse est ab homine humanitas tolli :
et si nemo sapiēs : simus pecudes omnes , Immo
uero nihil tam proprium | tamq; cognatum ho-
mini : q̃ quidem sapientia | atq; doctrina . Siqui
dē natura omnes : ut late ab Aristotele patet : sci-
re desyderant : sentimusq; eam affectōnem in no-
bis omnes : quam luculentissime in officiis . M .
Tullius expressit Omnes enim trahimur ad co-
gnitionem | et scientiæ cupiditatem : in qua ex-
cellere pulchrum putamus . Labi autem . errare .
nescire . decipi . et malū et turpe dicimus . Illud
quoque apud Satyrum est Nossē uolūt omnes :
mercedem soluere nemo : unde quidem ignora-
tio insipientiaq; profunda nō certe hominis / sed
bouis est : quoniam homo nullo quidem modo ī
alio magis : q̃ in hoc differt a bruto . Comple-
per aliud quippiam | si iam potes : hominis nu-
meros | uim atq; naturam . Appende subtilius .
calculaque ad minimum | si cognitionem ab
eo | disciplinam | sapientiamque detraxeris :

Nota .

Nora.

surget in forme cōtinuo mōstrum: et tanq̃ euul
sis a stirpe radicibus interibit humanitas: nobis
que licebit deum prope conuincere: qui deluse
rit homines / atq; fefellerit in psalmo pollicitus i
tellectum tibi dabo. et instruam te i uia hac: qua
gradieris. Firmabo super te oculos meos. Noli
te fieri sicut equus et mulus: quibus non est itel
lectus. Sed hęc intellectus pollicitatio quid quæ
so aliud dici potest: q̃ lumen sapientiæ. sacrariū
reatrūq; doctrinæ: aut per sapientiam ad æternā
gloriam uia: quæ aut profecto nusq̃: aut in ho
mine habiter est necesse: cum nullum præter ho
minem animal uel ornare / uel adiuuare sapiētia
possit. Quid deniq; nobis erit imaginis / similitu
dinisq; cū deo: si cognitio / et sapiētia ab homine
omnino sit relegata: nisi ex diis unum atq; numi
nibus accepimus: quæ ægyptii insania capti colu
ere / et quæ iocatus Iuuenalis progenita profanis
eorum dixit in hortis. Sed nostra non ita insani
unt tempora: ut ex metallo cochodrillus / aut ex
Tarso lapide Hibis / aut quoduis aliud portētū
ex argento uel auro erigatur in deum: sed unus
ubiq; sup̃mus: uerus cæli teraq; effector excolit̃
deus: et si in trinitate personarū / aliisq; permul
tis: quæ colligūtur nisi per prædicationē / et fidē

oberrent quā plurimi. Denique iam ferme intelligunt
omnes et profitentur affatim diuinitatis participationem / atque indolem quandā animis hominū
oculis / oribusque insignitam / atque insculptam: quā
minime existimare nisi innato / et insito quodā
adminiculo cognitionis / et sapientiae possent. Sa
pere igitur et intelligere est homini propriū: nō
omnia: quod singularis ē dei: sed quantum ipsa
mortalitas capit: quod his uerbis ad Romanos
Apostolus sapienter expressit. Quod notum est
dei manifestum ē in illis. Deus enim se manife
stauit. Inuisibilia enim dei per ea: quae facta sūt:
intellecta conspiciuntur: sempiterna quoque uirtus
eius / atque diuinitas. Non pretereamus et illud quae
causa tanta extitit illi maximo et prepotenti deo.
imo quae tam immensa / et auda charitas coniu
gandi sibi hominis: praebendique se illi uisibilem
atque affinem: qui si non est praeditus sapientia: ni
hil ē alienus a brutis. ut enim unio ista potuit in
ter tam disparia / absimiliaque conflari: ut cœnum
fuluo commisceri auro: ut sordida imperfectaque balua
numini? Sed quoniam ita quidē erat: ut primum /
et absolutissimum hominis munus nosse et sape
re esset / et diuina etiam delibare pro modulo: id
circo aggregauit illum sibi deus et perpetuo uiu

C. i

Nota.

Nota.

Nota.

No.

culo nexuit: a quo pro capto sapiētīa et agnitio
nis humanæ et agnoscī et colī utique posset: quī
et cum uerus eius cultor esset effectus: inde bea
tus emergeret. Et quoniā duplici quoq; natura
complexus/et tāq̃ fabrefactus utique ē/ altera spi
rituali/ intellectuque nobilitata: altera crassa / ac
moribunda: assumpsit utrāque: ut in eum contē
plans: qui ē uerus/ et integer in utraque natura /
binaque substantia deus et homō/ intus et foris
posset humanitas nostra tota beari. Quæ tanta
fœlicitas nō obuenisset homīni tamē: nisi p̃ ulti
mam profecto iusticiā statuisset deus post Adæ
peccatum generi humano succurrere. Huc illud
spectat quod ab exultantissima decantatur eccle
sia. O certe necessarium Adæ peccatum: qđ xp̃i
morte deletur. O fœlix culpa: quæ talem / ac tātū
meruit redemptorem. Sed ne pluribus: q̃ quidē
oporteat uerbis hoc pulcherrimi oculi cōteramus:
definitionē tādē ipsam explicemus: ī quo totius
rei sūma/ cardoq; uersat̃: quoniā si recte sumat̃:
statim fiet animus certitudinis plenus/ atq; cōstā
tiæ. Sit sapientia igitur diuinārū humanarūq; re
rū: ut sæpe ac uere habitum est certa cognitio: et
is sapiēs: q̃ eius habitu ita p̃ditus ē: ut diuina/ hu
manaq; cognoscat q̃tū est mediocriter capax fa

nitio
t: qui
e bea
atura
ra spi
Ta / ac
contē
atura
e foris
nanta
p uli
ic Adz
ic illud
ar eccle
p d xpi
ac ratiū
quidē
amur
totius
umaf:
cōfā
ūq re
rio: et
a/ hu
ax fa

cultas humana/et qualiter ab iis:q adhuc agunt
in corpore: arripi possunt: non uero qualiter ne
mo ē assecutus/aut assequetur: ut cēset Andreas
Definitione ita constituta nihil comodius super
est adinueniēda ueritatis rationē: q̄ ut sapiētiam
mō distinguamus ne pplexe diutius/ ambigueq̄
uagemur: Quæ triplex compta mihi sane uidet̃.
Imprimis ea: quæ infinita/et æternigenita ē: qđ
Dei uerbū etiam dici rectissime potest: per quā
cōdidit sæcula deus et condita omnia tuetur/ ac
moderatur: Altera: quā angeli dei et fœliciū ani
mæ alleuiatæ corporibus in cælestibus caprāt: ad
quas hōines non pertingunt in uita: nisi gratia/
atque miraculo. Tertiā illa deniq̄ ē: et quā mo
do quærimus: quæ inter homines obuersatur/ina
tura magistra/atq̄ adiutrix: quam pro mensura
occulta cuiusq̄/Deus impertit hominibus: quē
admodum inquit Apostolus. Alii quidē per spi
ritum datur sermo sapientiæ, Alii autem sermo
scientiæ secundum eundem spiritū. At uero quæ
Dei/et quæ cælestium est: ad nostros lares/focos/
q̄: ut diximus rara descendit: Siquidem nihil
inter cælum/terrasque distantius. Nam si hæc
schola quæ aperta est deorsum hominibus:
per se æterna i diuinaque comprehenderet:

Nota.

C ii

Nota.

Nota.

iam essent homines certe beati: Quod quia fieri hic minime potest: miseratus nostram deus tandem inopiam/et cecitatem: uenit ipse in terram ad homines in humanitate uisibili ceu lux fulgorque celestis: qui ab oculis tanquam pulsa caligine / si dei omnes lumine collustraret / et per omnium uirtutum exempla: quae prae-buit: patefaceret nobis iter in caelum. Quam uero humanam esse docuimus: neque expleta suis partibus omnibus colligitur facile/ad illam iri impediēte ignauia/aut detorquēte malicia: ut morandus ipse ante disseruit: Sed tantum quisque haurit: quantum se promit uel bonitas/uel ardor humanus: aut perfusus deo se superat: cuius praesertim hoc inter cetera maximum sapientiae donum est: nec ad nos aliter descendit: quam ceterarum excellentium ceterua uirtutum: quarum tanta est praeciositas/et in exhaustibus quidem magnitudo atque sublimitas: ut ad earum habitum quantum tuncque processerit etiam studiosissimus quisque: nunquam tamen sic proxime accedet: quin adhuc super sit ad quod magis ac magis ille semper anhelet. Quam sane ob rem: si ad sapientiae uiscera / intimasque medulas penetrare haud satis ualide possumus: at summam nihilominus cutem / squamasque pulsa omni desidia lambere desuper anitamur:

Quod etiam ipsum ita exiguum mihi plane su-
perare uidetur quicquid sibi proponit ut splendi-
dum / atq; magnificum ambiciofa hominum / cæ-
caq; fructicia. dico opes. libidies. honores. dignita-
tes. et qđ magis stupet uulgi error. mitras . pile /
os. coronas. scepra. Quid enim tã omnino inter
se se contrarium / atque repugnans: qđ sapientia /
atq; insipientia / ratioq; et furor: cum alterum: ut
est saepe iam dictum hominum / alterum propriũ
sit bæluarum? Qui itaq; sapientiam tollũt: uirtu-
tes omnes: quæ sola a sapientia: tum oriuntur:
tum diriguntur: uel ab humanis relegant: uel pr-
sus interimunt. Quin etiam non minus fluctua-
bit omni in uita gerenda semp sine sapientia qđ
que: qđ sine fidere et gubernaculo nauigãs. Recte
igitur consuluisse Lactantius mihi uidetur: ut et
re scire oĩa nullo qđẽ modo putes: quod Dei so-
lius est: neq; oĩa ignorare: quod ueruecis / et pecu-
dis similiter est. Haberi uero tertium qđdã: qđ
propriũ uere sit hominis: scientiã cum ignorati-
one turbatã / atq; cõmixtam. In quo nõ tam So-
crates: qđ Pythagoras iure laudãdus: cum ille sciẽ-
tiam omnem prorsus euerterit: hic uerecũdus se
tiẽs / atq; cõsultius se cõquisitorẽ / amatorẽq; sapiẽ-
tiæ fassus ingenuo et moderato animo sit. q quo
C. iiii

Nota.

Nota.

Nota.

No.

3

Duplex
sapiētia.

Nota.

Nota.

minus sapientem ostērandū se putauit: sed amu-
latorem sapiētiæ tantum ne natus bestia uidere /
tur eo magis sapiētis nomen emeruit. Satis ita /
que constat sapientiā / scientiāque: quas experit /
et noctes / atq; dies inuestigat / et querit humana
cupiditas naturalisq; solertia: duas quidem habe-
re partes. Vnam ita profundam / et in se recondi-
tam: ut arripere illam humano neq; studio / neq;
diligentia possit aliquis: nisi cælestis / aut nisi cer-
te quantum ad eum indulgentia / largitateq; di-
uina descēderit. Alteram non super hominem:
sed cōmunem / et patulam: se seq; omnibus exhi-
bentem: de qua ueluti de re nostra / et ea sane op-
tima atq; præcipua studiosius / atq; sacratius: q̃ d
altera quauis semper iis est cogitandum: qui ui-
tam agunt e ratione / atq; uirtute: quæ deniq; o-
mni uel loco / uel tempore eisdem uolūti dux / at-
que magistra: quam sequantur: ante oculos est
statuenda: inq; primis bonis collocanda. Nam
ut ultimum / et pessimum quidem malum inspi-
entia: atq; stulticia ē: sic sapientia contra primū
extat / et maximum bonum / homini a diuina lar-
gitate porrectum: cuius quidem rei hæc una / et
inconcussa ratio ē q; huius munus / atq; nobili-
tas: ut ē sæpe memoratum: imprimis habet diui

na humanaq; cognoscere. deinde ut tuēda ea co
lēdaq; sint edocere. Tertiam uero laudem q; so
la nunq̄ incedit: sed post eam/rāq̄ pulcherrimū
post uexillum pedisequarum coment frequēs tur
ba / ordoq; uirtutum. Iusticiam dico. temperāti
am. charitatem. patientiam. pietatem. religionē.
castitatem. ueritatem: et a qua e contrario diffu
git libido. insolentia. temeritas. ignorantia. stul
ticia. pueritas. auaricia. ira. proditio. et cete
ra animorum pestes: quæ quibus inhaerent: agūt
præcipites in furorem cæcum/et miserandum in
teritum. Paulum itaq; nostrum: de quo habita
multa iucūde: ut uestra ex intentiōe: et opa: quā
patientissime mihi dedistis: sum uisus uidere: sē
per ego patres supra: nedum inter sapientes col
locabo/ac uenerabor: et cum illo ceteros: quos p
pter admirabilem uitæ sanctitatem / præcellētēq;
doctrinam catholica mater ecclesia inter sanctos
fælicissimosque cælestes gratissima rettulit / diui
nisque honoribus decorauit. Secundo autem ho
nore eos habebō: qui aut hos attingere/aut imi
tari quanta ui possunt contendunt/atque desti
dāt. Q d: ut et ipse p̄stare uobiscū Patres deniq;
possim o mihi aspiret et faueat æterna et prima.

C iiii

et substantialis in trinitate sapientia Christus:
uosque id mihi fraterna dilectione precamini.
CAELS. Tum Cæsus his ita decursis / ut fessi nocturna
uigilia / matutinisq; obsequiis: et euocati iā tinti
nabulo ad aliquātulum quietis abiremus edixit:
et reliqua ut scrutaremur in crastinum est cohor
tatus. Quare collatione dimissa / q̄ uenerat quis
que discessit alacrior.

FINIT.

DISPUTATIO

PRI

M

A

!

MATTHAEI BOSSI VERONENSIS CA
NONICI REGVLARIS AD SEVERI
NUM CALCHVM CONCANO
NICVM ERVDITVM ET
VENERANDVM DE
INSTITVEN
DO.

SAPIENTIA ANIMO
SECVNDVS INCIPIT LIBER.
A R G V M E N T V M.

Oc libro secundo earum rerum: de qbus
crebra refrectio / collocutioque suscipi
tur: fructus primū exprimitur. Item gra /
dus ad arcē sapiētiæ primus sāctus ēē Dei timor
ostēditur: Quo q uere p̄ditus est: contra aduersa
omnia est semper infractus: Qui caret: in ruinā
semper est pronus / ac p̄ceps.

Adem postridie hora: eodēq: unde
discessimus loco pulcherrime rursus
e noster istauratus ē cœtus: ubi prater
adolescētiōres quosdam musicis ma
gis: q̄ litteris aptos: ceteri: iter quos
pridie cōuenerat: affuere: quorū nemo ad conse
dendum mouebatur: neq: inuitabatur a socio

MATT.

Nota .

Nota.

adeo exultantis naturæ opus / amorq; uagandi
in girum placidissimi undique situs / admirandi
que prospectus cuiusq; oculos irretiebat / men/
tesque tenebat: donec ipse confessiones et reddi
tum ad ea : quæ intermissa fuerant disputanda
hunc in modum / et uerba suasi . Vos ego patres
pridiana congressione illectos: quæ præclara / et
iucundissima omnibus extitit : prodiisse huc ho
die puto / atque auidius fortasse: q̃ heri propter
incensam cupiditatem sciendi et proficiendi ue
stram : in qua honesta / fœlicique dulcedine cō
sumptum a uobis omne ē tempus assidue: quod
diuinas post cerimonias: et cætera egregia mune
ra: sine quibus religiosa uita non ducitur: studiis
uobis licuit impertiri . et consilio id quidem / ra
tioneque æquissima. Nam bonitas ipsa ingenii /
et præstans / uariaq; doctrina non exiguo labo /
re / peruigiliisq; quæsitæ sine exercitatione / aui
ditateq; / uel discendi quæ nescimus / uel traden
di alteri quæ cognoscimus: quid porro adiuuat ?
dum in nullam uelut sepulta se profert / aut cō/
munem utilitatem / aut suum cōmodum ? aut ho
nestam etiam laudem ? Non fragrant suauia nisi
attrectata / agitataq; pigmenta: Nihil et prodest
conditū / cū ualet iuuare : non eruere / et exercere

thesaurum. Sed neq; ignis : quo nihil uigentius:
dum occultus cinere pressusq; iacet: in usum ul
lum erumpit/ardoremq; flauescit. Ita litterarum
studia omnia. ita Organa. ita Tybia. ita Bussi.
ita Lyra. ita quicquid singulis in opificiis/et arti
bus habetur excellens sine cōmemoratione / acti
tationeq; confestim abuolat/aut certe lāguescit.
unde uerum est: quod nunc occurrit mihi pro /
uerbium. Dum nō agis: dediscis. Quo circa quæ
rere. rogare. interpellare: disputare. deq; re litte
raria omni crebro conferre optimæ frugis inge
nia probaui magnopere semper / nostrosque ut
facerēt homines incitavi. unde Anaxagoras pla
ne uisus ē mihi dignus iure qui saperet : et sæcu
lorum memoria omnīū laudatissimus uiueret :
qui cum in re difficillima quapiam hæsitabun
dus/attractusque subsisteret: et obitus filii nunci
aretur interim illi: dissimulauit audire : ne filii
desyderio forte permotus a re quæsit/et fructus
quem sperauerat : animum et intentionem auer
teret. Quātū et admirabilior hac in laude prima
philosophorū gloria Socrates: q in cōspectu mor
tē habēs ueneno iam illi porrecto/ ad ultimū usq;
alitū de aīmorū īmortalitate differuit īter amicof
atque discipulos. Occurrit et mihi par p̄coniū

Nota. *Dū nō agis dediscis.*

Anaxago
ras.

Socrates.

Cato Por
tius.

CAELS.

IO. PHI.

ANDR.

meritus Portius Cato: qui prope senex latinæ literas: græcæ uero iam senex perdidicit: et quæ interdum legisset: audissetque cognitu digna uespere refricabat. Hæc ego præluferim primo isto consensu: ut alacriores ineatis hunc campum: pedemque iam præferat aliquis diuino fretus auxilio: atque his animatus exemplis. Sic me locuto sublatores ceteri facti abrupte cœpere silentia urbanis cum iocis: ac lepidis. sed signo dato silendi: meum in germanum Io. Philippum protinus Cælius defixit intuitum: et quoniam Martem pridie ante omnes exciuerat: sic ut faceret modo est uehementer anxius. Ad quem germanus tibi inquit o Cælle: qui es inter nos maior: claresque doctrina præcipua: hæc imprimis res cōuenit. Heri quasi ex tempore negotium coepit. hodie consulto: tuoque auspicio pergat. Itaque omnem rumpere tu moram: quod ne tardes expetere in te conuersi uidemur omnes. At uero primam irruptionem utroque detrectante: bonam reliqui deprecati sunt ueniam: si quod seniores recusarent: ipsi neque præsumerent. Verum enim uero dum cætus per modestiam ita subsisteret: en inquit Andreas Aptissime successura res ista mihi plane uidetur: si: ut solemus: in deliberandis in præcedentibus rebus a Seniore de quo quæratur: propositum

aliquid sit: et ex ordine/ atq; x tate gradatim cate
ri probent/ uel improbent quæ maluerint singu/
latim. Tum Valerius probās quod Andreas sua
ferat: fore inquit opere p̄cium equidem reor/ hor
torq; ut fiat: si res/ ut mihi: æque grata ē patribo
uobis: ut quæ officia/ et quæ partes sint sapientis/
non qualis adhuc nemo illuxit sæculis: sed certe
cōmunis/ et mediæ illius sapientix: quæ cadit in
homine: et de qua abūde heri collocuti fuimus:
enodatus differat. Cui Cæsus equidem uelim:
qui istuc petisti ualeri: quot/ qualesq; partes: in q
bus diuidatur sapiētia: tu esse itelligis/ nobis ape
rias. duas ne illas ex definitiōe notissimas: an tri/
fariā illam uelis partitionem sequi: cuius caput
primum deum spectat. Alterum cælestes. Tertiū
deniq; mortaliū esse ē enarratū: an plures for
tasse cōstituas. Acerrimo ex tuo ingenio/ atq; pe
ritia tu ista discernito Cæse ille respondit: q siue
duabus/ siue etiā pluribus partibus rem ipsam di
stribuas: erit nihilominus: ut auguror: explicatio
perutilis tua. Ad quæ deniq; Cæsus effingenda
mihi ē inquit sublimis aliqua dignitas/ et specta/
bile specimen/ ceu imago/ et sapientix signū: cui
ita formato/ ac constituto/ ornamenta/ cōdiciōes
que nōnullæ: q̄ diuisiones magis cōuenire mihi

VALER.

CAELS.

VALER.

CAELS.

Nota,

Nota,

Quando
donum

plane uidentur. Qd si Dauid et Solomoni Regum alteri imprimis sanctissimo. alteri prudētissimo credimus: illi primum dandus erit comes: initiūq; et ornamentum sanctus domini timor: sine quo custodei fidissimoq; tutore / nusq; hac omnino habitat uirtus: neq; uenit ad quēq;: quoniā ē hic timor ueniēdi principiū. Neq; enim in hominē eo modo se sapientia ingerit: quo putarunt ipsi Philosophi. nō ita plane / ut is uere Sapiens unq;: qui posse ex seipso sapere duxerit: et a deo sapientiā nō quaesierit: cuius unius hoc certe bonum ē: a quo profecto sunt bona maxia et optima cetera. Qui super quem inquit requiescit spiritus meus: nisi super humilē et quietū et tremētem uerba mea? Et perdam sapientiam sapientum: et prudentiam prudētum reprobabo: ad quā et Apostolus adiicit sapientia mūdi huius stulticia ē apud deum. Vulgare igitur inuentum appellanda sapientia minime fuerit: sed cæleste. sed diuinum. sed et sanctissimum utiq; donum: quod ad illum nisi delabitur: cui timentis humiliterq; de se puranti Deus illud ad uitam et pietatem afflauerit. Quā gratia tanta quoties a Deo ad nos gratuito descēdit inter septē illa dona: quā sancto/diuinoq; spiritui sunt attributa:

nomen equidem capit : Sin uero studio poti
us . ac labore sit parata : sola gaudet nuncupatio
ne uirtutis . Quantum igitur ego perspicio . quā
tum et legens assequor isto timore nihil est acce
ptius deo . nihil et homini futuro sapienti com
modus : quem optauerim non meticulosum / ser
uilemque duntaxat : Verum ingenuū . castum . legi
timū : et omnino a charitate / humilitateque deduc
tum . Nā pœnam metuere / et nō amare iusticiam
eo ipso in culpa ē / quod sic nullo modo discedit a ui
cio : cui manet semper obnoxius quisque solo me
tu a re turpi / nefariaque tenetur / quādo hoc scili
cet peccat / quod peccare mallet : quā abstinere : si pos
set ipse peccare . Neque accipi aliter omnino po
test locus ille Ioānis : quē saepe habemus in ore :
Charitas foras pellit timorem / quoniam pœnam
timor habet : et quod etiam sine christiana qui
dem luce duo illi Poetæ : quos pubescentes
audiebamus : expressisse mihi uidentur . Alter
his uerbis Res est solliciti plena timoris amor .
Alter oderunt peccare boni uirtutis amore .
Oderunt peccare mali formidine pœnæ . Sed :
quod facile possumus : utrūque illustretur exem
plis . Duo exhibeantur in medium Ciuita
rum Domini . Legitimus unus / moribus /

Quando
uirtus.

Nota.

Duplex ti
mor.

Aptissima
Similitu
do.

uirtutibusq; clarissimus: qui suis se subditis præ
stet ciuilem. liberalem. et cōmodum. ad se nulli
aditum prohibēs/ miseris maxime/ oppressisq; po
tentia/ aut laceffit in iuriā: et qui primus quoq;
iustis utatur legibus. curetq; præ omnibus sape
re/ prudentiaq; præcellere: cui desit deniq; nihil:
quod pertineat ad principatus dignitatem/ et ui
ri optimi laudem. Alterum effingite huic pror
sus absimilem: qui nouus ab íferis emerferit Ne
ro / aut Phalaris/ aut uero Mezentius aut si quis
peior putatus ē unq̃: quæ sauißima bestia / ne q
dem homo suorum ciuium opes/ et sanguinem
hauriat. domos incestet. omnia cruētet et laniet:
quem odio etiam ipsa natura: nedum ciues: me
rito habeat. Vtriq; sic subditi ciues et populi su
is istis: quos diximus: Regibus et dominis parēt:
Sed animis/ studiisq; longe disparibus. Nam pes
simum illum per metum / atq; odium audiunt:
dira illi omnia imprecantes/ ac suspirantes mala:
et in eum quas possunt insidias itendentes/ uene
nisq; studentes: ut nudo nec latere nec corpore
quoque non loricato: sineque Stipatorum agmi
ne tanq̃ publicus quidem hostis prodire exhibe
reque se audeat. Alterum uero studiosum/ et mi
tem atque omnium ueluti patrem studio charita

præ
nulli
q̄ po
quoq̄
sape
nihil
n̄ et ui
c̄ pro
rit Ne
si quis
ne q̄
uinem
lanier
el: me
vult so
parit
am pel
diunt
mala:
uene
rpo
agmi
mibe
r mi
rita

tis/atq; pudoris obseruant. uenerantur. ac colūt:
qui ut uiuat fortunatissimus / ac supra ualitudi
nem omnem incolumis precibus quisq; uotis / la
chrymisq; precatur. Qui idem tandem cum ex /
tremis uitæ concedit: orbatī ciuibus tale postre /
mi amoris desyderium de se relinquit ut illud so
latia longa uix nulla possint extinguere. Vtrūq;
p̄senti ætate ita oculis omnium latissime patuit:
ut opus non sit antiquitatis exempla historiarū
monimentis comprehensa / referre: nisi memora
tu illud et laude diuina dignum sit: quod nunc
meminit / et inspexit omnis Italia immaniū Tyrā
norū alios miserabili interemptos. alios patria
pulsos / alios grauissimo bello attritos / ac dener
uatos . alios iam uictores et insolenter elatos / re
troflante fortuna diro bello trucidatos / repulsos /
et captos ita turgida deus cum tempus est fran
git et reddit inania. sed ut ad timores: de quibus
agitur redeamus. Horum itaq; populorum filia
lis unus. Zelotypus. et sanctus est timor. Alter ser
uilis. coactus. maleq; uolētissimus. Amor primū
serit / atq; ingenerat. Pœna alterum parit / et hor
ret cum peperit. Sed age Quæ explicata de timo
ribus ita iam sunt ad deum nostrum trāsferamus
qui in tota certe natura primum extat / atq; ulti

Nota.

D. i.

Optimus
timor .

Timor in
Christo.

mum bonum: et a quo quicquid cetera habet in
se boni decerpserunt prorsus ac delibarunt. Peruer
sitatem dico / et scelus equidem esse quoties illū
seruilius metuamus: quod non grati sane homi
nis / rationisq; utentis esse potest: sed inertis mā
cipii / iumentiq; miserrimi: q sine fūste / et stimu
lo non se agit ad gressum. Etenim timor ille san
ctus: et eius: quam querimus: sapientiæ caput nos
non tam cogit metuere supplicia irroganda pec
cantibus: et potentissimam ultoris dei manū ex /
horrescere: q̄ ne iusti / et pii animi officiū desera
mus: et patrem illum deum / ac dominum: qui ē
supra omnem bonitatem optimus: supra omnē
sanctitatem sanctissimus. supra omnem pulchri
tudinē pulcherrimus. supra uirtutem omnem
potentissimus. et supra deniq; sapiētiā uniuersam
solus sapientissimus: offendamus: Quo gra
uissimo scelere excidamus a gratia / et æterno illo
impermutableq; bono amisso cum reprobis an
gelis perpetuam dedamur in mortem. Quicquid
igitur timore isto: qui pius et sanctus est uere erit
affectus: sapientiam illam beatam: de qua sermo
nunc ē: non comparabit sibi modo: uerum neq;
ab eo unq̄ aberit afflatus spiritus sancti: cuius do
num magnum / ac fœlicissimum hic timor equi

dem est. cuius etiam nec indigne anima beatissi-
ma Christi repleta ineffabiliter fuit: et alma / ac
splendidissima illius Mater / quemadmodum de
Christo Esaias. De uirgine uero Gabriel ante p̄
dixerāt . Præterire neq̃ possum quātum sane ro-
boris / ac fortitudinis uirtuti humanæ afferat hic
uerus et candidus timor. impeccabilis . incōcussi-
bilis. inexpugnabilis penitus est / ac per aduersa
et blāda æqualis sibi / ac semper inuictus: ut qui
deum timuerit: iam terrores / pœnasq̃ uniuersas
nō metuat. nullis illecebris ab officio / iusticiaq̃
discedat. Proponātur opes. dignitates. libidines.
honores. potentia . et quicquid blanditur inter
humana . Proferantur dira æque / ac terribilia
omnia: et quæ tam excogitari: q̃ inueniri possūt
indigna . Collucentur cum sacro / fœliciq̃ isto
timore: Illa blanda pelliciant . hæc dira exterre-
ant . hic unus timor infractus uel omnia mittet
sub iugum / et triumphum ager : uel coget exhibi-
lara facessere: ipso regnante ita leuia / atque infir-
ma contra eum sunt quæ produximus : cum
blandientia : tum absterrentia : quæ imminere
possunt uniuersa: quod probare tam fauentis fa-
cilitatis et copix utiq̃ est : ut nulla iam res

Timor in-
uictus.

exemplū.

D. ti

Nota*

No.

sit/uel minus obscura/uel magis certe probabilis/
nihilq; agnoscat in rebus:qui hoc non agnoue
rit.Spectata est enim ueritas ista oculis ipsis orbe
iam toto q̄diu in martyres sanctos tyrānorū fu
ror incanduit:Nam enumerare pro christo nece
ros impauide / prope infinitatis:ne quidem mul
titudinis est.Non ita per id temporis ferarum be
stiarum lanistæ frequentes fuerūt : ut ímanes in
animas christianorum carnifices :nō tam in cō
pitis cruenta macella:q̄ execrabiles aula/et carni
ficinæ sæuientium Imperatorum / ac præsidum:
de quibus riuorum instar beati inundationes sã
guinis / ipsis etiam stupentibus impietatis mini
stris erupere effusissime.Quis recensabit pro te
optime Iesu obrūcatos gladio?conto traiectos?
stilis terebratos?membratim sectos?fluminibus
mersos?igni crematos?bestiis proiectos?passillis
suffixos?equis dissecptos?bigis raptatos?rotis in
textos?cruce distentos?Taceo carceres.taceo uin
cula.torturas flagella.squalores.renebras.et hu
iusmodi cætera tormentorum atq; nequitie ma
chinamenta:quorum uix general nedum singu
lorum q̄dem nomina potuit quisq; satis explica
re unq̄:Visunt adhuc specus:et tumbæ beatorū
corporū plenæ/et suaue olētia ossa. uisuntur et

innumera ea loca: quæ palma/et martyrū pu
rei nuncupantur/ uenerationiq; habetur. Visun
tur/ templisq; sacrantur: quæ seruari ueternosa po
tuere tantæ crudelitatis/et necis instrumenta/ cō
pedes/ manica/ cathenæ. pōdera. pectines. crates.
ceteraq; id genus infanda / ac perhorrēda. Quæ
fabricamenta dolorum/ atq; nequitia loq si pos
sent. inclamitarent se uicta a beato illo timore :
qui ne deum laderet: perpeffus hæc omnia / com
meruit nulla posse sæuicia lædi: uimq; eam diui
nam accipere : quam nobis dauid pollicet i psal
mis. Misericordia autem domini ab æterno et us
que in æternum super timētes eum: et tãto inter
dolores et lachrymas leuari solatio : ut acerbitatē
mæroris/et pænæ dulcedo diuini timoris euince
ret : de quo etiam uerum est illud sanctis in litte
ris timor domini sicut paradisus benedictionis .
Et timēti deum non occurrent mala: sed in qual
satione Deus illum liberabit: cuius rei pleni quo
niã sunt sacri sermones: ut facta ante oculos qua
si teneamus: et p se res ipsa loquatur: prolixiorē
cōmemorationem omitto/ atq; ptereo. Et enim
cui obscurum ēē potest: quē lædere culpa grauif
sima est: ne lædatur magis esse curandum/ atq; ti
mendū: q̄ cuius ē læsio leuior: uicq; naturæ effici

Nota.

D. iiii.

cū potiora timueris si fiat cōpatio inter utraq;
uiliora ne tīmeas: aut eorum timorem: si urgens
et improbus incesse: uincas facile tamen / atq;
suppedites? Hæc enim ita cum sint: quæso ut in
seri in cuiuspiam animo sapiētia poterit: qui uel
ingratus et arrogans / uel delirus et uesanus maie
statis diuinæ sublimitatem in genus hominum
ita piam. ita beneficam. ita et in se ipsa mirabilē
non uereatur / et paueat? cuius beneficio primum
in lucem æditus. spirat. cognoscit. sapit. itelligit.
diuinitatemq; participat? Quod si quis rationa
lem se dememinit. si frontem / ruborēq; omnem
prostituit: cum dedecore moneatur a brutis. Nā
Tigris. Leenaq; quibus inter feras nihil imma
nius: si in manu hominum uenerint: a quibus
aluntur / atq; curantur: educatores / magistrosque
uerentur: et audiunt et ad eorum amorem se
se conuertunt. quos alioquin discerperēt / crudos
que uorarent: Domat et ad immensa onera / præ
liorūq; pericula Elephātorū feritatem per cibū /
et blandimenta: timoreque et continet magistro
rum solercia. Quid quadrupedia nobiscum ani
malia super terram agentia? Nihil natat in toto
mari uelocius / petulantiusq; delphinibus ut salie
tes plerūq; sublime se tollāt supra nauium uela.

Natura mitis delphinū

aq:
gens
atq:
ut in
ni uel
maie
inum
rabile
inum
lligit.
tiona
mem
is. Na
mma
pibus
osque
em le
rudes
a ipse
cibus
gismo
ani
oto
falie
ela.

Mulcetur tamē obsequiis / et illecebris hominū;
teneturq; maxime cātib; tybiarū et Simphonix.
Horum unū octauiano Augusto Principe puer
fragmentis panis allexisse scribitur Idq; tādū fa
critasse: ut hunc bēlua insidentem sibi / q̄sapiissi
me a Baiano littore Puteolos usq; puerit: ab
aculeatis / et incidētibus dorsi spinis illæsum. Ali
us huiusmodi ab Hyponensibus pastu mansue
factus / ipositos quoq; frequenter gestauit. Quæ
clara ueritas tandem poetas incitauit Arionē fin
gere freno instar equorum p maria obequitasse
delphines: uirgaq; quocūq; maluerit agitare: et
nos: q deū habeamus datorē uitæ / et æternū in cæ
lo patrē / maximūq; et unicū p oībus bonū confi
gurati dignatiōe inscrutabili sua claritati / et ima
gini eius / futuriq; cælestes: si fælicitati ipsi non in
uiderimus nostræ: eūdē ipsum tātis de causis nō
ueneratōni / pauoriq; habebimus? Denique habi
ta ratiōe imbecillitatis humanæ: quæ fluctuat sē
per / et uacillat instabilis: estq; oī momēto a seip̄a
dissimilis: et oppugnatoris / ueteratorisq; diaboli
fraudes expri: et mūdi simul blādiētis i mortē p̄stri
gius sæpe decepti: ppositis ēt nobis nō paucis eorū
exēplis: q sibi nō p̄metuētes p̄iere: poterimus: i no
bis si sēsus ē ullus: tāta undiq; circūfusa pericula

D.iiii.

totq̃ salutis naufragia impauidi praterire? ut nō
 semp̃ metuamus offendere? a lege decidere? sū
 mo bono priuari? extremū in malū prolabi? Ti
 meo ad Chorinthios scribit Apostolus/ ne sicut
 serps̃ seduxit euā asturia sua: ita corrūpañ sen
 sus uestri et excidant a simplicitate: quā ē in xp̃o
 Iesu. Cecidit a sanctitate Dauid. cecidit a sapien
 tia Solomon. cecidit a fortitudine Sanfon. Ceci
 dit et ab alto apostolatus fastigio de charis/ selec
 tioribusq̃. xii. unus dei/ et magistri sui pditor Iu
 das/ et iteremptor suū ipsius deniq̃ miser. Sed qđ
 huiusmodi casus/ ruinasq̃ cōmemoro: de q̃bo tā
 ta copia se mihi offert: ut eam si p̃seq̃ uelim dies
 mihi prius: q̃ numerus sit defuturus: quādo quo
 que: qđ calamitosius/ atq̃ indignius ē: ab inocē
 tia corruerint ante: q̃ mala uidissent p̃genitores
 hōinū primi Adā/ et Eua / et cum iis primogeni
 tus Chaim? qua prima labe insequens posteritas
 omnis/ infecta cōtabuit? quādo et ī Angelis cālī
 ad cōspirationē usq̃ ē inuēta reueritas/ atq̃ libi
 do? qđ si retrospectimus ad omne p̃teritum t̃ps̃ eo
 rū: qđ nō sibi timuere p̃iere q̃ plurimi: sed de pa
 uidis corruisse neq̃ uidi/ neq̃ legi quēq̃. Quare
 ut prima sapiētia ī Dei timore posita ē: in eodē
 ita putauerim inter uitā discrimina / mūdiq̃ fra

Nota.

No.

immidū praro m̃ luxu.

grores incōcussam securitatē cōstare. Erit itaq;
ut abunde me dixisse iā puto : apud uos peritos
maxime caput humanæ sapientiæ / humanæq; sa
lutis candidus erga deū et legitimus timor, nō ue
reri contra aut paruifacere sanctū eius / et terribi
le nomen : gurges erit ignoratiæ / abissusq; stulti
ciæ : et in baratum deniq; mersio. Quæ uobis si ef
se ita uidentur / repudiūque nō habēt a ueritate
ratiōeque syncera : hactenus me hodie dixisse suf
fecerit. Nā suscepta sabbato agi breuiter cōsueue
re. Longior in crastinū q dies p̄cipuus religione
atque decorus ē Deo sermo te Matthæe manet /
atque desyderat . Ast ego ne inobsequēti or
ni choro pulcherrimo / atque intento uiderer : et
cū Themistocle fortasse ridēdus : qui oblatam in
epulis lyrā cū recusasset ē idocior habitus : ut Ci
cero inq; : me ecce inq; o Calse : quē ānuisse / cū
omnibus placuisset : me redire paratū / et interim
esse fœlicem affectauere illi atque iussere.

MATTHE

FINI T.
SECUNDA COL
LATIO

EIVSDEM MATTHAEI
DE INSTITVENDO SAPIENTIA
ANIMO LIBER
TERTIVS
ARGVMENTVM .

Vod bonitas coniūgi cū sapientia debet:
q̄ quādo q̄dem nemo sapiens esse potest: q̄
non idem sit bonus .cōtra nemo bonus:
qui non et sapiens. Et q̄ uera sapiētia ad
Deū cognoscendum/atque colendum imprimis
hominem ducit: actus quoque humanos mode
ratur | et dirigit . Et q̄ lux animi est: sine qua tā
q̄ caligine offusa omnis est uita. Et q̄ hāc perfe
ctam et plenam intulit Christus : Vnde Philoso
phi : quibus christiana non illuxit fœlicitas : sūt
uagati per tenebras/erroresque pueriliter. Et q̄
beatum tandem hominem uera sapientia efficit.
Denique q̄ sapientia p̄pter honorem: qui ei ex
hibetur : optat sibi comitem bonitatem.

Ertius: qui nobis successit: festus fu
it ille dies Seuerine: quem appellat
t Dominicū uulgus: quoniā triūpho
resurrectionis faceriac solēnis est do
mino: in quo ad rem ecclesiasticam
ex more percipiendam ascenderunt ab urbe ad

nos mane hora prope iam tertia Nicolaus Guā
rerus: et Honofrius Bredus: ciuili disciplina/ et iu
ris laude nostra in ciuitate praestātes: familiares
que admodum mihi: qui me cū salutaſſent/ de
xtraſq; dediffent: comiter ad eos Quid uos inq;
uitorum optimi huc? Illi uero ut diffugeremus
quæ committūtur Veronæ ſpectacula: Voluptas
quoque legendi ea Epigrāmata: quib; ornaſti q̄
tuor; clauſtrales porticus per ſingulas fornicū fa
cies nos etiam traxit: quod facere ſumus perſæpe
meditati una cū Adeodato Broilo/ ſororio tuo:
ut iucundiores tibi eſſemus: ſi nobiſcum agno
ſceres aliquid tantopere tuum. Tū ego nihil iq̄
admiror. Fuiſtis enim ſemper inexplēbili ſtudio/
atque auiditate ad omne genus doctrinæ/ et lau
dis icenſi/ curaſtiſque pullulātia oīa: quæ in litte
ris putaretis cognitu digna agnoſcere. Atque af
foret o utinā meus Adeodatus. Gauderem pluri
bus ſimul ornamentis beniuolentiæ/ et neceſſitu
dinis noſtræ. Sed pſentē Adeodati iacturā dilecti
onis erit ueſtræ iſtaurare auctiore ſucceſſu. Nūc
uero: qđ cupitis: luſtrate iſtas iterim porticus i q
bus ſi uos aliquid fortaiſſis offenderit: oro mihi
pdere amice/ atq; beniuole ne diſſimuletis. E re
quidem mea putabo caſtigari cēſura peritiſſima!

MATT.
NI. HO.

MATT.

Nihil q. dari obsequio. Nota.

Lepide.

NI. HO.

MATT
Nota.

ac fidelissima uestra: nihilq; dari obsego: quod
sæpe est in beniuolentiis pestilens. Ipse uero dū
a uobis ista legentur: quod accurate fieri cupio:
reliquum rei sacre obibo in templo / atq; expedi
am: ocissimeq; inde reuertar / uestrum acceptu
rus/secuturusq; de re tota iudicium. Ad quos cū
rediissem / ut dixeram / applausere mihi benigne
suauissimi illi / ac modestissimi / referentes ab Epi
grammatibus solēniq; pictura incredibili deuotio
ne attractos fuisse atque permotos: quod indica
re facile oculi / uultusq; uidebantur. Porro inter
hæc ad prandium tintinabulo conuocati paula
tim cum pergeremus: cæpi ego ita iocari. Vos ad
olus / binaque oua paululo addito casei mēsa ho
die liberalis excipiet / de macello / altero ue adi
pe nihil porrectura. Nouerant quippe illi tamen
non apponi nobis ad esum carnes nisi ægrotanti
bus / et quibus grauis et fracta senectus est uelu
ti morbus. Quare subridentes illi lepide retule
runt Pythagorici sumus o Matthæi Macello et
fabis perq; facile parcentes / olitorūque uireta in
uisentes sæpe: Lanistarum uero carnificinas fe
re nunquam. **D**e te. N. uide ac cogita. nos par
uo contenti. Miserima ea profecto uoluptas fu
erit: quæ gulæ / uentrique deseruit. Conuiualis

enim laticia / atq; iucunditas nullo modo posita
est in escarum / et comotationum luxu: sed in
ciborum castimonia / sermonūq; dulcedine. Vos
uero Dei cultores / sacratioresq; ministri sanctissi
mum pro sermonibus Dei uerbum sub silentio
audiendum longe præstare animaduertistis: q̃p
pe q̃ plus æquo laxantur sæpe inter cōmēsales /
et illos etiam ingenuos / atq; prudentes inter collo
quia excitata hilaritate potionum / largitateq; ci
borum: quibus parci minus ab coepulātibus col
loquio libero solet. Quare et reprehensa sæpe / et
cohibita legibus fuere priscorum conuiuia: in q̃
bus temporis nimum p̃ diutina spatia absume
retur. Sed o beate uos instituti: qui ita distincta
ocia / negociaq; tenetis: ut in quottidiana re ue
stra nihil porro nimis: nihil parum haberi uidea
tur. Sumetur itaque a nobis hodie multo sapidi
us ore silenti lectio: q̃ fercula ipsa palato. Quib;
ita prælusis ingressi sumus cōmune triclinium:
ubi donec ē sumpta refectio quisque conticuit:
Qua quidem exacta deambulatum tantisper est
simul dum signum disputationis innotuit: ad
quod ipse tinire cum cœpisset ad congressum in
quā cōdisputationemq; citamur: Vobis uero qd
operis interim? Qui dixere. Quis libenter uos

MATT.
NL. HO.

CÆLSVS.

audire non gestiat ? Quare / nisi forte molestos
nos ducitis: adesse percupimus. Tum Cæsus nō
modo uos adesse: sed ludo præesse latabimur: ui
ros sane et studiis iisdē / et diuturnitate beniuolē
tiæ / ac charitatis nobis coniunctos. Itū est itaq;
confessum ab omnibus ubi antea biduo. Atque
ita silentibus cæteris quæ heri et nudius tertius
habita fuerant carptim / cursimq; quantum id
potui propter duos hos : qui noui aderant: ipse
recensui: rogicans enixius ut ad nostras perscruta
tiones recens illi aliquid adderent siue sacrum si
ue ciuile / sua doctrina / et ingeniis splēdidissimis
dignum: quod ante tempus se requiri dicentes /
modestissimi recusarunt. Sicq; Concanonicis no
bis res tota atq; integra mansit: suntq; omnes fer
me precati: ut ego hesternā ex fide prosequerer /
suscepta aut narratione perpetua / aut rem agen
do socratice crebra cum interpellatione ac repu
gnātia quoties inde lucidius erui ueritas posset :
Qui tam beniuole plane deuictus / sic equidem
cæpi . Cum hodie interpsallendum illud nobis
insonuit / Bonitatem / et disciplinam / et scienti
am doce me : uisa sunt ea mihi uerba ad sapien
tiam : quam querimus : pertinere magnopere :

MATT.

et ad hoc propheta orationem isram suam dire-
xisse praesertim / neque incōsiderate id quidem /
uel temere. Nam ut potest quis et bonus / et disci-
plinabilis / et doctus esse: qui idem sapiens non
sit? immo uero tanti etiam per se est pondus / et
ratio solius bonitatis: ut si bonum uirum tantū
mihi proponas / aut nomines: eum profecto eru-
bescam negare sapientem / non etiam reuerear
ac excolam. Conuerți igitur / ea demq; esse diuer-
so sub nomine porro mihi uidentur bonitas / et
sapientia adeo: ut nemo sapiēs: qui non bonus .
et nemo bonus: qui non et sapiens. Quare ne er-
remus circa ueram / absolutamq; sapiētiam: quē
admodum dictum est a Caelso nostro de Timo-
re: qui ad illam exposcitur: ita modo rei suscep-
ta / ac peragenda de bonitate opportunus ē ser-
mo: quā tantopere comes / atq; affinis est sapien-
tiae: ut ab se inuicem sine interritu manifesto di-
uelli non possint . Quod si mecum ita sentitis :
de ea quantum bene mihi fauerit deus / eloquar
quā mihi suggesserit animus / et bonitatis ad /
mirabilis / et suauissimus odor uestra cū gratia .
Tum Caelus nihil satius / atque iucundius. Per-
ge itaque latus : et aperi : quod uix tetigisti /

*Nullus bonus quin sapiens
et cetera.*

CAELS.

et affirmasti sensisse prophetam: quo modo Bonitas sapientia sit: et sapientia bonitas. Nā plerūque etiā uacui bonitate: ut prodigi. lasciu. iracūdi. gloriosi. superbi: si nouerint alioquin multa: bonaq; prae ceteris artes calluerint: habētur uulgo sapiētes: et sapiētum decorātur honorib;: unde putatur illud i euāgelio positum Sapiētiore sunt filii tenebrarum filiis lucis in generatione sua. Et sapiētes sunt ut faciāt malum/ bonum autem facere nescierūt: aliaq; nō pauca sacris i litteris pene similia. Ad hoc ipse istuc a te quæri celsē q; nescias haud certe crediderim: Verū ne qd desit ad rem/ penes eos: qui minus sunt eruditi: aut quo uberior/ praelucentiorq; euadat oratio: sane te hoc puto requirere. Sed utcūq; res ē: merito habēdus ē tibi mos: et ānitēdum: ut totos la certos: si quid in nobis nerui habent / tua dirigamus ad uota: quod rētaturus sum quātum equidem potero. Inter bonum igit/ et sapiētem tanta: ut mihi uidetur: amicitia/ atq; complexio ē: imo uerius unitas conciliata ab ipso amore naturæ: ut diuelli inuicem: seiungique nō possint. Qui nō ē bonus: necesse ē ut profecto sit malus. gradum inter hos tertium inuenire natura non ualuit. Vnde quotquot unq; fuere/ futuriq; sunt

MATT.

Nota .

homines: per bonos tātū et malos distinguendi
in euangelio sancto scribuntur: cum in fine sæcu-
lorum de omnibus gentibz iudicium faciet Chri-
stus Saluator: ut agens in terris ipse prædixit. tū
boni locabuntur a dextris / mali autē a sinistris.
Tertius uero et medius: quoniam natura nō ca-
pit: nullus nominatus est locus: propter qđ scrip-
tum et legimus. Qui solem suum oriri facit sup
bonos / et malos / et pluit sup iustos / atq; iniustos.
Et qui non est mecum / contra me est. Si itaq; ne-
cessario malus ē: qui bonitate non præstat: con-
sequens et illud penitus ē: ut hic malus oberret.
cæcutiat . infaniam . et certe desipiat: quæ qui pec-
cat: non modo longe est ab sapientis laude: sed
frustissimus etiam habendus est: quoniam cōtra
fas / contraq; naturam delinquit: quæ quēq; ad
monet sese impollutum a uiciis seruare / proximū
que diligere . Errare ergo / siue desipere / et recte
agere / ac sapientem esse perinde sunt sicuti ma-
lum et bonum: mors et uita omnino inimica / at-
que contraria. Ergo sine bonitate sapiens uere
nemo. Illa uero malitia / atque argutia: qua ma-
li bonos superare cernuntur: callidioresq; uiden-
tur / et si sapientiæ nomen ementita interdum
sapientia dicitur: tantum nihilominus abest a ra-

Aut bonus aut malus necessario

2.

E. i

*sapientia huius mundi stulticia
est apud deum*

Semita ad
deum.

tionem/sapientiamque decoro: ut magis nullo quidem modo possit abesse: cum altera ad iniusticiam/atque perfidiam: altera ad iusticiam redat/ et ueritatem: Qua de causa sanctis in litteris scribitur sapientia huius mundi stulticia est apud deum: atque illud ab Apostolo dicitur prudentia enim carnis mors est: prudentia uero spiritus uita: Sic et ea sunt: quae de sapientia iniquorum paulo ante a te Caelse de torto/indignoque nomine inducta fuere: inter quas duas aequiuocatio: ut ita dixerim: talis esse mihi uidetur: qualis inter uiuum hominem / atque non uiuum/ spirantemque/et statuam. Quaecumque itaque alia praeter timidam istam/et si uideatur sapientia minime est. Ceterum: satis si ego rem uideo: Sapientia quidem semita et est est. quae aditum nobis patefacit ad deum agnoscendum/eundemque colendum. Ea ergo si uera/et solida fuerit: non autem adumbrata/atque fucata: nunquam erit sine bonitate: hoc est sine uirtute consortem: quoniam quantum malicia: quod uitiu est deo semper odibile: recedit a deo: tantum illi bonitas appropriat/sequi coniungit: quae certa/et indissolubilis ratio apparet in omnibus sibi contrarietatibus inuicem: ut cum subit unum/ueluti pulsum decedat aliud. Habet et hoc in se sapientia bonum maximum/atque sanctissimum: ut nobis tanquam digito medium illud ostendat: ad quod

cuncta dirigimus: et actus humanos ceu auriga
gubernet/et moderetur: a quibus oportet omnia
relegata sint uicia: si agendo cupimus iusticiā/re
ctitudinēq; tenere: et assequi diuini muneris gra
tiam: promereriq; ut inter suos nos deus tādē
agnoscat. Quoniam uero sine bonitate hoc nō
efficit sapiētia: ideo ad res agendas omnis : uitā
que constātiā nō modo aptissima bonitas ē: Sed
quæ sita a deo / ac necessaria: ut q; eam eripiat ab
usu humano: uitam funditus eripuisse / et euer
tisse uideatur. Inueniri igitur una sine altera ne
quit: si debet uim suā sapientia/nomen/ dignita
tēq; seruare. Alioqn non sapiētix agnomen/ lau
dēq; merebit: sed detestabilis malitiæ / atq; astu
ciæ dedecus quā non habuit: uirtutē dementita.
Recte quoq; animi lux appellari eadē ipā sapien
tia potest: qua q; caret ille semper ē cæcus: Vnde
scriptum uerissime ē sapiētis oculi in capite eius. }
stultus uero ī tenebris ambulat. Vt enim qui ex
terioribus captus ē oculis: nescit quo uadit / ēt cū
ducitur: ita minus ueritatis itelligit: q; orbo ē
animo: Quare quod huic mundo uisibili Sol
radians præstat ad claritatem / et lucem: hoc effi
cit inuisibili animo sapientia : quæ nisi sit boni
tati coniūcta: ita tetram offundit mēti caliginē:

Directrix
actuum.

Nota.

Lux uitæ.

E ii

No.

Ignorantia pessimum malum.

quemadmodum cæcam Sol noctem: cum a nobis sub terras deuoluitur/ aut pallefcit eclipsi. At uero quid esse potest luce sapiëntiæ dulcius? quid splendidius? quid amabilius? Hæc enim errantes nos per magnam sæculi noctem: et iactatos per de uia/ atq; naufragia in hoc mari uasto uentis contrariis/ et semper incertis: data ueluti manu in propria quasi deducit: ut possimus per eam quieti quem in portum tendimus perspicere/atq; agnoscere. Hæc ignorantiam pessimum malum: imo et malorum omniũ gurgitẽ: ubi cœperit habitare propellit. Hæc motus in aĩo turbidos sædat: et quicq; accidit acerbissimũ tẽperans/ tolerabilius efficit. Hæc domestica/ et peregrina. urbana/ et rustica. exigua et grãdia. ætates quoq; / sexus. et mores informat: ut uere lux mundi/ quẽadmodũ diximus appellanda merito sit: sine qua caliginosa plusq; omnis umbra futura sit hominis uita: fueritq; ante christianam fœlicitatẽ/ et gratiã per Christum uerum deum et hominem nobis allatam: quia prioribus omnibus sæculis illis neque uulgi/ neq; philosophi: qui sapientiæ gloria falso nobilitabantur: uel in moribus/ uel in natura/ uel multo minus sane in iis: quæ sũt supra naturã ueritatem inuenire potuere: longe q; plura:

quæ sibi somniarunt (mentitiq; sunt: et in quib; inter se discidunt: q̃ quæ uera | conuenientiaq; dixerunt. Ille ille heu: qui semideus est habitus Plato: laxauit ita impudice / et continens ipse libidinem: ut cōtra clamantē erubescētiā innam homini / omnēq; naturā / decus uirgīnale / matronalemq; pudiciā sic licenter prostitute / rit: ut uirgunculas nudas descendere in ludos cū iuuenibus permiserit: et earum ita esse / ac uiro / rum equitare. currere. arma mouere . lapides manu / funda q; iactare. tela intorquere: et quod stomachabilius est: iterum nudas saltu et choreis inter mares solēnitates celebrare honestum putauerit ac liberale. Et ad maiorem beniuolētiā censuerit matrimonia habenda cōmunia : nisi quæ potestas principum nobiliora quandoq; amicis pro dignitate distribuisset. Qua opinione quid magis delirum / aut insanū afferri potest: nedū impudicum / et fedum? Sanctissimum humanitatis uinculum | honorabileq; consortium tam infande temeratur tanto a philosopho nudo / et pauperimo ueritatis. Quis Plato furor? quis impetus? quis morsus? quæ collisio inter se hominū in libera / oblataq; libidine irruentib; plurib; in eam unā: quæ appetibilior uisa sit eo omni rubo

Philoso /
phorū caritas ante gratiam .

Plato .

Nefanda i
pudicia

Nota .

E.iii

Nota.

Rubor ex
libidine .

re/ et honestate: quā indidit homīni natura: post
habita? Quæ sors deformiorum puellarū? Quæ
iam uetularū? Quæ et infirmātiū? Quæ uel cu
ra educāde instituendæq; prolis: quæ esset incer
ta ex uago cōmuniq; cōcubitu? An nō qui natī
essent homines: morerentur tuo cōsilio pecudes?
Erubescō ipse homūculus hæc loqui diuine cō
tra te Plato. Lædo et forsitan atres eorū: qui de
te tātā impuritātē exaudiūt. Quid si aduocē ad
tuā istā philosophiā pudica Matrona. uirgo isti
ruta/ castaq; puella? nō ne uultū ueste uelabūt ex
tremo sudātes: percitæ rubore? An se pdiderit tā
turpiter uel ipsa semiramis: uel lupanarib; dele
crata Messalina? Ad honestatē natura docet ho
minē natum: quod quia dissimulari tergiuersari
que nō potest: inde fit ut incōtinētiæ tā uehemē
ter erubescamus: cui dum seruitur: obscura/ abdi
taq; querātur: atq; ēt maritalis / debitusq; cōgres
sus nocturnā umbrā/ occlusūq; cubiculū amet: et
p̄ter ceterarū rerū naturā: quæ blādiuntur: sola
ista uoluptas corporis ita solitudine gaudeat: ut
ne quid eius rei: qđ nuptiarū honor/ propagatio
nisq; necessitas/ et cū his primi sacramēti gratia
ēst honestatē atq; sanctificat: inspectēt liberi. serui

ullicq; domestici parceatur: Quin etiā uehemen-
ter pudeat: si canes et eq; ceteraq; belux id prae-
oculis forte cōmittāt. Verum quoq; et sordidissi-
mū sit nūcupare/ nisi umbratis/ obligsq; nomini-
bus: quae tā necessario ad ppagādā tuēdāq; natu-
rā opī mēbra deseruiū: neq; sit inops adeo q; q;
q; et si ceteras partis sit nudus: nō uelet obscena.
Diceret hoc loco pro Platone: quod nemo pudi-
cus posset: fortasse q; spīa uel leno/ uel scortū: Nō
audierat diuini oris elogiū Plato propter hanc
relinquet homo patrem et matrem: et adhare-
bit uxori suae: et erunt duo in carne una: neque
ab Apostolo: quem uita praecessit: Vnius uxo-
ris uirum: et una quaeque suum habeat: Et illud
uiri diligite uxores uestras: sicut et Christus di-
lexit ecclesiam. At uero debuit: ut diximus: uel
saltem auscultasse naturam: quae communis ubi-
que est cunctarum gentium directrix / atque ma-
gistra. Constans. Certa. Fidaque. et efficiens in
omnibus quantum est in se simpliciter unum: a
qua deerrare / non quidem philosophi est: Sed
hominis abutentis omnino ratione / atque con-
silio: si nō æquius dixerim amentis et stolidi. Re-
spōdebūt ptinacius iterū Leno isre et meretrix.

E liii.

De natu /
ra et mo /
re .

Nota .

Vide ne hūc ruborē / cōfusiōēq; quā dicis: mos
potius / cōsuetudoq; intulerit: q̄ idixerit certe na
tura. Nā si nudi ire / palamq; misceri uir / et mu
lier assueuissent: esset detracta: imo et ignorata
fortasse hāc mollicies / atq; cōfusiō. Isti sues gru
nirent aliquid: si tanti mos esset: ut posset expu /
gnare / collidereq; naturā. Si nō inspicerēt rudes
ēt et agrestes. imo uero et dementes et insanos:
qui aguntur / mouēturq; nō morib; / atq; usib;
sed natura dūtaxat: partē hāc tenere honestatis /
et uerecundiā: ut nō publico coeāt: et quas uide
rint sibi ip̄is placere cōfestim nō adoriātur ita ē
imobilis / ppetuaq; natura: inq; omnib; similis.
Quod mos nūq̄ potuit / poterit ue p̄stare: quia
uarius. labilis. et nō cuiusq; æquabiliter ē: Sed no
bis alius. alius uicinā urbi . alius fidelibus / cultis
q; diuina lege / atq; p̄ceptis. alius nō credētib; . et
sine disciplina exlegib; barbarā uitā ducētibus .
Hic arripitur ab educatorib; / et pedagogis. Qd̄
naturā uero ē / in nobis omnib; sua spōte cōna
scitur: quoniā natura: quæ uis ē quædā firmissi
ma / atq; sanctissima suū nūq̄ tramitem deserit .
Posset et illud de re isra subtilius disputari: non
ab Academicis ueterib; dico: qui Platoniam di
sciplinā tuentur: Sed a christianis potius nobis :

qui p Platone Moysem sequimur: peccato ne /
an naturæ inurêda sit hæc de carnis cōmixtione
cōfusio. Prodit. n. Moyses ut primū peccauere p
genitores stirpis humanæ: perizonata de ficul /
nex foliis sibi protinus confecisse: quibz pudibū
di genitalia obtegerēt uelut obscena. Qua de re
dicere cum pergerem: en Nicolaū / et Honofriū
cōspicatus sum inuicē auribus suggarrere uenu /
sto / placidoq; cum rictu. Ad quos ego quid inq;
colloquimini ita suppressē: cū interpellatio / atq;
respōsio utriq; sit libera / et nobis sane pergrata?
Tū Honofrius Nicolao meo isussurrabā id du
bii mihi subiisse āte: q̄ illud ip̄e moueres. Peccati
ne/an certe naturæ fuerit erubescētia ista / carnis
q; rebellio: qd̄ perq̄ auide sum auditurus: quoni
am alias audisse mihi uideor quasi p somnium:
nec satis iā reminiscor. Ast ego hic locus inq; o
Honofri præclaris explorationibz: et iis quidem
cognitu dignis abundat: sed implere rem ipsam
ubertim: ut potest: non sit præsentis temporis/at
que negotii. Siquidē nimis sermo a Platone di
scederet. Rei summā summis labellis tamē degu
standā uobis porrigam quatenus eruditioni per
egregiæ uestræ putabo sufficere. Porro uicia car
nis sacra littera omnes attribuunt omnino pec

perizonata

MATT.

HONO.

MATT.

No.

Nota.

catoledocentes inde primum temeratam fuisse naturam : quæ sic condita erat : ut posset homo non peccare : si stare maluisset : quæ rueret . Qui ex libero si non deliquisset arbitrio / neque primam uiolasset innocentia gratiam : ita membris ad generandum compertis imperasset : et iis usus ita fuisset honeste / atque perualide : ut cæteris corporis membris : quæ homini parent in quolibet ope sine reluctance / atque rubore . Mutuus itaque uiri / et mulieris contactus non modo fœda pruriginis effrenoque ardore uacasset : sed præter opera decencia omnia : quæ tractantur ab homine : hoc imprimis gloria / et claritudine excelluisset : tam pulcherrimum : quæ magnum / et admirabile quidem est / ut hominem homo progeneret / sanctam imaginem / diuinitatisque participem . Sed heu exicialis / funestaque transgressio : in qua et cōceptus pudendus . et partus atrox . et uita omnis calamitosa / et postremum malorum omnium pessima mors est subsequuta / et cætera detrimenta : quæ si locus pateretur / et tempus : faueret copia non parua deplorare : Quod fortasse etiam faceremus : si plerique sanctissimi uiri / atque doctissimi id non facitassent : et eorū nonnulli etiam de uita miseria libellos perpetu

os non cōscripsissent. Si et poetæ præterea. Ora
tores quoque. Historici omnes : atq; philosophi
non id sæpe complexi fuissent: qui: cum fulgore
eloquentiæ: tum pondere et gravitate me omnes
obscurāt: Ab infecto naturæ itaque fonte Quæ
res factu fuisset insignis: reddita est ignobilis / at
que pudēda ex ea porro uiolentia / et obscenita
te: quam ab iniussis sensuum motibus iūto ani
mo patimur: quæ tanta confusio ortum quidem
habet in ipsa natura ab originali profanata iusti
cia : et uiolato præcepto : quod deus: ut eius do
minator agnosceretur: homini dederat. Liqueat
igitur satis non ab more neq; usu: Sed uel a pec
cato uel ab infecta natura huiusmodi carnis ema
nasse ruborem. Sed ad Platonem : a quo paulo
discessit: reuertatur oratio. Is nempe in plerisque
aliis non minus quidem delirat: q̃ in publica / ua
gaque libidine . Cælum enim / et stellas anima
tas: tanquam deos coli oportere / et eis sacrari uo
ta consuluit . Animas uero generatione atque
uirtute priores corporibus: tanquam dominas
eorum productas fuisse contendit / et immorta
les illas / ad Deique indolem formatas de corpo
ribus: e quibus emigrarunt semel: ad alia iterū
uel hōinū / uel beluarū corpora: quarū ī moribus

Plato.

fuerunt per similes: post milia quædam annorū :
quibus circūuoluerentur : remeare / seq̃ reuol /
uere est commentatus : quam opinionem Vir /
gilius in sexto præclari operis sui secutus An /
chisem sic affatum inducit Aeneam.

Has omnes ubi mille rotam uoluere per annos
Letheū ad fluuiū: deus euocat agmine magno.
Scilicet immemores supera ut cōuexa reuisant :
Rursus et incipiant in corpora uelle reuerti .

Pythago.

Democri
tus .

Diogenes

Maximus quoq̃ inter phōs / et semi noster itali
cus ille Pythagoras in eiusdē cæci erroris ac stoli
disimi plapsus scrobem: suam prædicat animā /
atq̃ disseminat in plerisq̃ antea hominū: in Pa /
uonis deniq̃ corpore / plumaq̃ uixisse. Quæ in
Democrito potuit eferuere maior insania : q̃ ex
minutissimis / indiuisibilibusq̃ corpusculis mire
cohærentibus inuicē: quas Athomos uocat: orbē
omnem efficere / atque statuere ? Quod de Ara
nearum intextis : ne quidem de fabrica / ac mole
totius mundi nemo satis quidem sanus cogita /
ret? Qualis / et Diogenis Cinici uita ? qui nuda
uit naturam ipsam omni honestate / atque deco
re / usus corpore et iis : quæ corpori inseruiunt :
ut i pecus sine ingenuo ullo pudore ? Taceo phi
losophiæ dedecus / atq̃ ultimæ notæ prodigium

Aristippum. imo quidem ut paulo inuerecundius
loquar: magis quippe suē uel asinum: q̄ certe ui
rum: nullam uitam: nisi præsentem: nullum bo
num nisi corporis i homine terminātem. ut phi
losophatus ad pingues offas let merum: omnēq;
libidinem reliquā magis pfecto uideatur: q̄ ad
ullam: uel sapiētiā: uel cuiuspiam uirtutis omni
no partem. His dictis parūper cum spiritum ip̄e
subducerem: dicam tantisper inqt Nicolaus qđ
mihi cum Honofrio confabulari interdum con
rigit de maximo uiro philosophoq; Platone (So
lemus enim sæpe cum uacui sumus: ac liberi a cæ
teris uel forensibus: uel domesticis rebus: opinio
nes nostras simul cōfricare: et si quid interdū eti
am audimus in ecclesiis altum: et sacrum: de eo
moliri inter nos aliquid: et cōmētari nostris pro
ingeniis atque iudiciis: quo fit ut ex hac consue
tutine aqua ferme inter nos sit uel cognitio uel
ignoratio) Visum ē igitur nobis de Platone: qđ
magna quidē ratiōe: suo de Origene diuus Hie
ronymus censuit: ut ubi bene nemo melius: ubi
male nemo perius. Sed ē præterea nobis miraculo
unde horum ingenia: quibus quicquid potuit
uisa ē contulisse natura: et diuinitatem his quan
dā porrexisse a puerperio: ipsaq; ut ita dixerim:

Aristippo

NICOL.

*Pla. Sibi bene nemo melius: ubi
male nemo perius.*

cuna : tāta sint admixta dementia: et tot infecta
fabulosis erroribus: ut ab iis: q̄ etiā parua doctri
na/ uel nulla sunt prādicti: irrideantur / uulgoq̄
et a pueris iam cēsoribus castigētur: nisi Solis / lu
naq̄ defectus persimiles isti forte patiātur: Quæ
prima duo orbis lumina p̄sso sæpe nubilo/atroq̄
uapore uel pallētia/ uel obscura reddunt: nisi et
arua fertiliora / atq̄ p̄pinguia imitari uideātur:
quæ cum salutaribus frugibus ferūt sæpe morti
feras herbas: in ueneficū lolium/ sterilesq̄ auenas
luxuriāt: nisi docta/ et perquigili agricolæ manu
curent. Verū qcqd ē tamē: secreto auro de limo
ego te mirabor semp o Pythagora. Te uenera
bor Socrates. Te o Democrite efferā. Te stupo
ri habebo Diogenes. Te theophraste. Te Zeno
turbāq̄ oēm/ et sectā philosophorū illustrē hono
ribus p̄sequar. Sed præter cæteros tibi animū/ ui
sceraq̄ sacro o unicum Iubar/ primaq̄ in litte
ris humani generis gloria Plato/ ac de laboribus
studiis/ rātisque scriptis / et lucubrationibus tuis
acceptū ingenio diuino tuo dū uixero referam:
per quem ad nos migravit litterarum omnium
liberalium dignitas/ et altioris philosophiæ splen
dor se nobis primum aperuit. Qui et nobis reli
quīsti a te formatum/ et secundam ueluti propa

ginem / et æterni nominis gloriam Aristotelem:
qui omni philosophia ad præcepta / regulasque
redacta supra ceteros posteritati consuluit: et si
a te cum recessisset: nec satis gratus uisus fuisset:
recalcitraſſe illum contra magistrum non ſecus
atque in matrem petulantes pulli queſtus ſis.
Sed cum iis tam ampliſſimis rebus ſic uices indo
leo / atque exhorreo tuas uiroꝝ mirande / ut
in auro rubiginem: et in fonte clariffimo aliquo
anguē. Expectoq; a te Matthæ ſolari leniriq;
mihi mentem: qui cum mecum repeto quantum
horum philoſophoꝝ ſudores / infatigabilesq;
uigiliæ nobis profecto attulerint commodi: ſi
miſſis erroribus res probatas / et ueras curemus
elicere: totus equidem quatitur / et ad fletum
ſe commouet animus. Tum ego eſt inquam ut
dicis o Nicolæ. Nam et ipſe ſic ſæpe commoue
or pro Socrate maxime / atque Platone: quod
accidere piis / atque gratis ſtudioſoꝝ omni /
um mentibus reor. Attamen uero unde illis
ranta hæc cæcitas cum ſumma doctrina conti
gerit: quod animo mecum quandoque uer/
ſauī: non ſubtricebo / aut tergiuerſabor. Au/
diamque deinde te et Honofrium / ſi præter

Aristotelē
nota.

MATT.

Nemo sapit omnib[us] horis.

Cur Apol
lo Sapien
tem Socra
tē iudica
uit.

illa quæ commemorastis: recognoueritis forte ali
quid satius. Nam imprimis: quod tu prope dixi
sti: inducēs iubar solis et lunæ cāposq[ue] feraces: ne
mo mortalium: quod uerbum est Plinii: sapit
omnibus horis: sic se fallit sæpe obnoxia errori
uana mortalitas. Quare si de re diuina/ deq[ue] cæ
lestibus: quæ ab humana cognitōne sunt procul:
errauerunt tātī isti philosophi neq[ue] mirum: ne
que dixerim maguum: quoniam haberi huius
modi ista alioquin certe non possunt: nisi quā
tum ea nobis diuinæ uoces attulerint: et nūciū p[ro]
electi / deoq[ue] afflati uulgauerint: cuius muneris
maximi atq[ue] diuini ea sæcula fuerūt expertia. De
occultis quoq[ue] et sinu naturæ obstruſis neq[ue] col
ligere ueritatem: nisi uaticinātes! aut deo illis re
uelante potuere. Quocirca Socrates ea sibi ne
somniaaret: ut memoratum iterum ē: eorum per
scrutationem a se penitus repudiavit: et se nihil
scire contestans / omne studium cōtulit ad bene
uiuendum. eāq[ue] ob causam illum ab Apolline fe
runt iudicatum fuisse sapientem / q[uod] maxima sa
pientia esset non arbitrari se scire: quorū cogni
tio esset ambigua. Sed cæteri multi nō tā se ipos
mensi: nec tam conscientiam secuti propriam: q[uam]
laudem humanam: quæ nescierunt p[re]dicarunt!

et inuoluta saepe inextricabiliaque naturæ incertis
turbidisque ambagibus transmiserunt ad posteros:
apud quos tandem eorum est patefacta temeritas
illucescente ueritate per Christum: quæ ab alio ante
dari non potuit: quoniam uera sapiëntia non habet
magistros homines: sed doctorem Deum: neque descē
dit humanas ad mentes: nisi purgatas/et nitidas/
et sancti timoris / bonitatisque: quam diximus
plenas. Vnde multitudo omnis illa sanctorum: quæ
eam acceperunt: concors semper/et itidem sentiēs fu
it etiā ubicumque dispersa: quia idem unus spiritus lo
quebatur in eis: quo in se accepto Paulus exul
tās An experimētum queritis inquit eius: qui in me
loquitur: Christus: quē et cū dominus impertiret
Apostolis Non enim uos estis: quod loquimini ait: sed
spiritus patris uestri: qui loquitur in uobis. Sed
quo altiora se ipsis isti quæsierunt: elatus eorum in/
crassatus/et obtusus magis factus est sensus: et se
ad perfectam sapiëntiā euasisse putantes/ tum ma
xime elusa eorum temeritate reperiuntur stulti Deo
non perferēte tam indignam suæ maiestatis iniuri
am: ut a se ipsis se facerent sapiētes et ueluti deos
cum homines essent: Sed ad extremū modestiæ
suæ tamē/et cōsciētiæ recte signū præbuit (si ita fu
it) euidentissimū Plato: qui ut apud Aeneā sophi

Nota .

Nota
Platonē.

F i.

apocrypha abscondita. **Nota.**

fram loquitur quodā in dialogo Theophrastus:
iussit suis eatenus standum obtemperandum
que praeceptis: quoad sacratior homo aliquis ap
pareret in terris: qui fontem ipsum ueritatis pa
tefaceret: et quem magistrum rursus seque
rentur omnes. Vnde nostrorum nonnulli: ne
scio tam ne scite: quā pie produnt illum: et pre
dicant in exitu accepisse salutem: et gratiam:
et eum longo post tempore inuentum in sepul
chro cum lamina ad pectus: in qua confessio fi
dei erat incisa: cuius lumen: et agnitionem mo
rienti illi Deus afflasset. Quod de Trimegi
sto: Sybillisque: et aliis quibusdam gentilibus
etiam in uulgus referunt. Quae nos quoniam
apochrypha sunt: neque probamus: neque
improbamus (Possunt. N. tam esse: quā nō esse)
Sed ueram sequimur matrem ecclesiam: quae
occulta non iudicat. Hoc tantum aperte: intre
pideque dixerimus damnari neminem: qui quan
tum ipse potest: et noscit confugit ad Deum:
quoniam sola est: quae perdit hominem per
uersa uoluntas: et pertinax in delinquendo
malitia. Sed de Philosophis hoc loco non plu
ra: de quibus profecto neque tam multa congef

fissemus: nisi docendum nobis fuisset per eorum errata: humanam sapientiam sine bonitate / non modo ad ueritatem non prælucere homini: sed magis quidem cæcitatem inducere. Eodem modo superest: ut demonstremus sapientiam æterno consilio trāsmisſam ad homines: ut ea sit: quæ ad sūmum illud bonū: in quo beatitudo consistit: eos accēdat. accensos conuehat. conuectosque fœlices efficiat: quæ res ita iam constat: ut negare eā nemo: si sanus est non erubescat: Sed sine ea bonitate: quam ei Propheta coniunxit: nunquam illud efficiet: ut dux homini ad beatitudinem sit: Quin uero gradiente recta sic retorquebit a uia: et instrumēta illi / ac machinas: quas ad beatam uitam erexerit: eripiet / atque prōiciet: ut metam is non modo nunquā attingat: sed quo magis ire contenderit: uti cancri ab ea semper plus retrocedat. Denique optare sibi consociam bonitatē sapientia cogi certe uidetur a sūmo quē obtinet in honoribꝯ gradu. Nā quos sapientes esse putamus: iis porro assurgimus. capita flectimus. & uia cedimus. magistratus. honores. dignitates. insigniaqꝫ potiora deferimus. Statuas insuper / monumētaque sacramus:

F. i. i.

Ad fœlicitatē sapiētia ducit.

Honorabilis sapientia.

quæ præteritantes cum cernimus: detinemur ad
miratione! gratiaq; non parua. Quod solet usu
mihi contingere quoties in templis illustrium se
pulchra! epitaphiaq; contemplos: cuius sane rei
quæ causa potest afferri alia: q̃ q̃ uirtute singula
ri illi/ ac bonitate putantur excellere: nec tãti res
quidem ulla ducitur: quãti sapientia propter cõ
iũctam ei bonitatem: quam si detraxeris: esse sa
pientia continuo desinet? magis uero nequitia
erit/ atq; caliditas nõ dignãda honorib;: sed acer
rimo odio / ludibrioq; habenda? Adhiberi ergo
illi bonitas conuenit: ut dignitatẽ omnino pro
priam. gloriam. nominationẽq; possideat. Hæc
cum dixissem/ dimissa corona datum est cuiq; re
cedere.

FINIT.
TER
TI
A
COLLA
TI
O